

MUDZIMU A TSHI KHOU

DITALUSA NGA MVUMBO YAWE

 Ndo vha wa u a khamadzwa nga u vhona khonani yanga, Joseph Boze, hafhalā, huno nda rembuluwa nda dzhia tshifhinga tshiṭuku u khaḍana nae.

² Kha ri vule zwino kha Ipfi ḥa Mudzimu, kha Vhaheberu, ndima ya u thoma. Ndi ṭoda u vhala, tshipida, ya u thoma, vhuvhili, na ndimana ya vhuraru, u itela u dzhia ḥinwalwa ḥa madekwana.

Mudzimu, we nga misi ya kale na nga mikhwa yo fhambananaho o amba nga zwifhinga zwo fhelaho kha vhokhotsi nga vhaporofita,

Huno nga aya maduvhā a u fhedzisela o amba na rine nga Murwa wawe, we a mu ta u vha muqaifa wa zwithu zwoṭhe, nga ene o do vha a ita mashango;

Ane kha u penya hawe ha vhugala, na u dzumbuluwa ha tshifanyiso tsha tshihibili tshawe, na u imisela n̄tha zwithu zwoṭhe nga ipfi ḥa maanda awe, musi o vha a na... o dzula kha tshanda tsha u ḥa tsha tshihulu ngei n̄tha;

³ Kha ri kotamise zwifhaṭuwo zwashu u itela thabelo. Huno zwino kha Vhuhone Hawe Vhukhethwa, arali ni na iñwe ḥodea ine na do ṭoda i tshi ḫivhea Khae, naa ni nga imisa tshanda tshanu, huno ndi ḥodea yanu, uri Mudzimu u...

⁴ Khotsi ashu wa Ḥadulu, ri q̄a zwino n̄tha phanda ha khulunoni Yau, nga lutendo kha Dzina ḥa Yesu Kristo, Murwa Wau. Huno ro ḫewa hovhu vhuṭanzi, uri, “Arali ri tshi humbelo nga Dzina Lawe, zwi do itwa.” Huno Iwe u ḫivha lutamo Lwau na ḥodea dzashu, huno Iwe wo fhulufhedzisa uri U do kovhela zwoṭhe zwine ra zwi ṭoda. Ngauralo, Khotsi, ri do rabela vhunga Wo ri funza, “Muvhuso Wau u de. Lufuno Lwau lu itwe kha lifhasi, vhunga zwo ralo ngei Ḥadulu.” Uri ḥodea dzashu, madekwana a ḫamusi, dzivhe u ya nga lutamo Lwau u dzi kovhela, huno wa ri fha uhu u tondwa. Dolisa Ipfi, Murena, huno vhaambi na vhathetshesi vhoṭhe, huno ngavhe Muya Mukhethwa u tshi da ngomu huno wa vha muti wa Ipfi, madekwana a ḫamusi, vhukati hashu. Ngauri ri zwi humbelo nga Dzina Lawe. Amene.

Ni nga dzula.

⁵ Matshelo nga matsheloni, ndi pfesesa uri, ndi vhuragane ha Vhanna vha Mafhungo-mađifha O fhelelaho Vhabindu. Kanzhi,

hune vha vha na ndima, ndi na tshilidzi tsha u amba kha vhuragane havho. U swika tshino tshifhinga, ndi lone dzangano li lothe, line la si vhe dzangano, fhedzi, tshone tshigwada fhedzi tshire nda—nda wela khatsho, ndi Bindu la Vhanna vha Vhakriste. Huno zwino ndi tou vha tshiambi tshavho, kha dzhitshaka.

⁶ Zwino, madekwana a ɿamusi, ri a fulufhela uri heyi khuvhangano a i nga vhi ya liphedzi. Ndi da kha inwi, ndo neta, na dzhelelo lo netaho, huno nda vha na khana i vhavhaho zwītuku...

⁷ Ndi bva Tucson hune ha vha havhudı ho omaho, huno ndi da hafha na hone ndi havhudı na u vha muqunu, ngauralo hu na phambano i vthonalaho. Arali nōthe no vha na mađi hafha, arali ni tshi nga tou a rumela kha riñe, ri nga zwi livhuwa nga maända. Fhedzi ni nga si ite hezwo, a hu na zwiñwe.

⁸ Fhedzi ndi ni vhudza tshiñwe tshithu hafha, hu na tshifanyiso hafho. Zwithu zwōthe zwa—zwa—zwashu ngei Arizona, miri yashu, yo dala magwati. Tshiñwe na tshiñwe tshi na gwati. Ndi ngauri ho oma. Zwino arali qaka lenelo lo mela hafha, lo vha li tshi do vha mađari avhudı. Ni a vhona, a li na mađi, ndi ngazwo li tshi vha gwati.

⁹ Huno musi tshivhidzo tshi tshi vha tshi si na Mađi a Vhutshilo, tshi vha tsho omaho na gwati, natsho, tshogwatafhala nahone tshi tshi rwa tshiñwe na tshiñwe. Fhedzi hune madi a Vhutshilo a elela, a vula mađari a vha matete, avhudı nahone a takaleleaho, tshikhethwa nahone tshiñganedzeaho kha Mudzimu. Ngauralo ngavhe Murena Mudzimu a tshi ri sheledza, madekwana ɿamusi, uri ri si vhe magwati; fhedzi uri ri vhe mađari avhudı uri vhathu vha sa tendi vha kone u dzula fhasi ha muri wa murunzi washu huno vha wane vhuawelo kha mimuya yavho.

¹⁰ Zwino ndi ḥoda u dzhia liñwalwa, madekwana a ɿamusi, arali Murena a tshi funa, huno ndi khou kokodza heyi khudzaipfi tsini nga hune ndi nga kona, nga ɿwambo wa u shaya ipfi. Ndi ḥoda u, u bva kha u vhala hafha kha Vhaheberu 1:1, ndi ḥoda u dzhia liñwalwa la: *Mudzimu A Tshi Khou Dítalusa Nga Mvumbo Yawe*. Irani ndi dovholare izwo hafhu, ngauri ndi a zwi divha uri heyi mibvumo a si yavhudı hafha. Mudzimu u Dítalusa nga mvumbo Yawe.

¹¹ Zwino, kanzhi zwiñwe na zwiñwe zwi ɿaluswa nga mvumbo yazwo. Huno ndi na Mañwalo a si gathi hafha ane nda do ḥodou... huno na notsi, dzine nda do takalela u tikedza ngadzo. Zwino, mvumbo ya tshiñwe na tshiñwe tshi ɿaluswa zwine tsha vha tshone.

¹² Zwino, u nga kha mupo wōthe, maluvha a ɿaluswa, zwifhinga zwinzhi, nga mvumbo yao. Arali a tsini na tsini, luñwe lushaka

kha luñwe, mvumbo ya ilo lìluvha i do Ძalusa uri ndi lìluvha-de. Huno kha vhutshilo ha Ძaka, zwifhinga zwinzhi . . .

¹³ Ndi—ndi muzwimi. Huno ni tea u ᲅivha mvumbo ya lushaka lwa tshipuka tshine na khou zwima, kana tshiñwe tshifhinga ni nga fhurwa zwa vhukuma. Sa tsumbo, u nga Nngu ya Matomboni ngei British Columbia. Ndo vha ndi tshi tou vha fhasi ha Yukon heyi khalañwaha yo fhiraho, vhañwe vharathu vha si gathi vha vhoinwi hafha ro vha ri roñhe, huno ro vha ri tshi khou zwima.

¹⁴ Huno zwino arali ni sa ᲅivhi phambano, musi no vha ni tshi khou tala nngu kana tholo, no vha ni nga si ambe phambano nga nn̄da ha musi no vha ni muzwimi o Ძalifhaho. Ngauri, dzi ita vhuñala vhu no fana; dzi a govha musi dzi tshi gidima. Huno musi ni tshi vhona iñwe yo ima kha tshikhala, na Ძhoho yayo yo dzumbama, mulandu, ni—ni nga kundelwa zwiñuku u vhona phambano. Dzi na tshiimo tshi no fana; u mona nga murahu hadzo, ndi tshena, u tou fana na tholo. Zwi nga kond̄a nga maanda u dzi fhambanyisa. Fhedzi ñanga yayo i Ძalusa mvumbo yayo, nga idzo ñanga. Nngu i na ñanga dzo sombeaho, huno tholo i na luñanga lu no bvela nn̄da. Huno tshiñwe tshithu, tholo i nga si ye ñ̄ha u swika afho, u fula.

¹⁵ Huno zwenezwo mbudzi, i tshi khou tshimbila, nayo, hu na mvumbo kha mbudzi, na nngu, dzine na do tea u ᲅivha phambano khadzo, musi no vha ni nth̄a kule, ngauri dzothe dzi dzula nth̄a kha thavha. Ni tea u ᲅivha phambano. Fhedzi arali na dzhiela nzhele, mbu—mbudzi i a dipiringanya i tshi tshimbila; huno uri, nngu i vhea milenzhe yayo fhasi nga heyi *ndila*, musi i tshi tshimbila. Mvumbo ya nga ndila ine ya ita vhuñala hayo. Ni Ძalusa phukha yanu nga mvumbo ine ya zwine ya ita, na nga ndila ine ya difara ngayo, na zwine ya fula, na tshiñwe na tshiñwe. I di Ძalusa nga mvumbo yayo. Huno nth̄hi i ya thamuwa, huno ni sedze zwine zwa bvelela, ni nga amba nga ndila ine dza shavha. Ni nga amba nga hezwo mvumbo dza zwiñuka zweo fhambanaho.

¹⁶ Zwenezwo naa no no vhuya na dzhiela nzhele, a thi ᲅivhi uri ni nadzo afha kana hai, tshinoni tsha tshitopana; zwe luga, tshipenyaho ndi lone dzina lazwo, na tshinoni tsha mutzhila mudala. Tshinoni tsha mutzhila mudala tshi na tshiimo tshifanaho na tsha tshinoni tsha tshitopana. Huno ni vhona izwo zwivhili zwi tshi fhufha, zwi tou vha zwoñhe zwinoni zwa lushaka luthihi. Arali ni sa nga vhonni muvhala, fhedzi itanu zwi sedza, ni nga amba uri tshinoni tsha tshitopana ndi tshifhio. Tshinoni tsha mutzhila mudala tshi fhufha, nga maanda kana zwiñuku, nga ndila ya tswititi. Fhedzi tshinoni tsha tshitopana, tshi tshi babamedza mapapa atsho; samusi tshi tshi babamedza mapapa atsho, tshi ya nth̄a na fhasi, nth̄a na fhasi. Ni a vhona, tshi didzumba, nga u ralo, huno ni nga amba uri iyo ndi mvumbo ya tshinoni tsha tshitopana, nga ndila ine tsha fhufha.

¹⁷ Arali na dzhiela nzhele tshi—tshiñoni tsha zwithomathoma musi tshi tshi bvela nn̄da, nga ndila ine tsha fhufha. Huno ni sedze arali tshi kha murivha, hune tshiñoni tsha zwithomathoma tshi nga vha, huno na—huno na tshinoni tshi no wanelesa matlavani. Vhoiñwi vhazwimi ni a zwi ñivha hezwo. Tshiñoni tsha matlavani tsha Wilson na tsha jack, zwi ñitalusa nga ndila ine zwa bva na nga ndila ine zwa ñuwa. Zwi ñaluswa nga mvumbo yazwo ya u fhufha, uri ndi tshiñoni tsha lushaka-de. Ngauralo-ha, arali na tou zwi pfa, ni nga tou amba tshire tsha vha tshone, ndila ine tsha bva, zwine tsha vha zwone, nga mvumbo ya u fhufha hatsho.

¹⁸ Vhunga munna na musadzi. Vhothe ndi vhathe, fhedzi musadzi u na mvumbo yo fhambanaho na ya munna. Ndo vha ndi tshi khou vhala hafha, muñwe musi wo fhiraho, nga ha Salomo na khosikadzi. A thi athu funza Mulaedza wanga muñuku hafha, kha vhoiñwi, nga ha khosikadzi ya Tshipembe, a tshi da u vhona Salomo, na u vhona iyo mpho ya u ñalukanya. Ndo vha ndi tshi khou vhala nga ha izwo, hafha zwi si zwa kale, huno vha ri, ri, “Tshiñwe tsha tshi khukhuliso tshe tsha vhewa phanda ha Salomo, tsho vha, heyi khosikadzi yo dzhiya musadzi, kana vhasadzi, kha ndi ralo, huno a vha ambadza sa munna.”

¹⁹ Zwino, izwo zwe vha zwi zwisili nga ilo ñuvha, fhedzi zwavhukuma ñamusi, zwe tou ralo. Huno—huno ni a ñivha uri izwo zwe khakhea. Bivhili i ri musadzi ha tei u ita hezwo. “Ndi vhuñudzi kha musadzi u ambara tshiambaro tsha munna.” Huno Muñzimu a sa shanduki o amba hezwo, ngauralo izwo ndi ngoho.

²⁰ Ngauralo ri wanulusa uri Salomo, zwi sa fhiri u vha lavhelesa, o ita uri vha tshimbile kana vha ite tshiñwe tshithu, huno nga u ñavhanya a ri, “Ndi musadzi.” Ni a vhona, o vha a tshi nga kona u amba nga mvumbo ya uyo musadzi, nga ndila ye a ñifara, uri o vha a musadzi huno hu si munna.

²¹ Huno kanzhi tshiñwe na tshiñwe nga iyo ndila, nga mvumbo yatsho. U tou fana na vhathe vhanzhi vha tshi shumisa tshanda tsha monde, na tshanda tsha u la. Mvumbo yavho ya nga ndila ine vha ñifara ngayo. Ni nga amba uri kana ndi muthu wa u shumisa tshanda tsha u la- kana tsha monde, nga ndila ine vha ñifara ngayo, nga ndila ine vha hovhelela nga itsho tshanda tsha u la kana tsha monde tshiffinga tshothe.

Huno elelwani, Yesu o vha na tshiñwe tshithu tsha u ralo, uri . . .

²² Zwanda zwivhili zwi tou nga maanda . . . Zwi a fana. Zwi na lushaka luthihi lwa gunwe, minwe, minwe miñanu; muñuku, wa vhukati, na miñwe yothe. U tou fana na tshanda tsha u la na tsha monde zwi na minwe i no fana, kanzhi, tshikalo tshithihi tsha zwanda, u tou fana kokotolo. Huno phambano i re hone, khadzo, ndi uri tshiñwe ndi tsha monde tshiñwe ndi tsha u la. Ndi yone

phambano ine na nga i amba. Tshiñwe ndi monde, huno tshiñwe ndi tsha u la.

²³ Ngauralo kha izwo, Yesu o ri . . . Ndi nga posa mbuno thukhu hafha. Yesu o ri, kha Mateo 24, uri, "Mvumbo ya Mimuya i do fana nga mađuvha a u fhedzisela, i do vha tsini na tsini lune ya do fhura vhanangiwa arali zwi tshi konadzea." Ni a vhona, i do tou vha . . .

²⁴ Ni dzhia tshanda tshanu huno na tou tshimisela n̄tha. Ni a vhona, arali ni sa ðzhieli ñzhele, tshiñwe tshi fana na tshiñwe, nga ndila dzoþhe, fhedzi tshiñwe ndi tsha monde huno tshiñwe ndi tsha u la.

²⁵ Ndi nga ndila ine mimuya ya vha ngayo nga mađuvha a u fhedzisela. I a fana nga iñwe ndila, fhedzi i na mvumbo i no i talusa. Muñwe ndi wa vhukuma, huno muñwe a si wa vhukuma, huno i nga ̄taluswa nga mvumbo yayo.

²⁶ Muya wa Mudzimu u nga ̄taluswa nga mvumbo Yawo. Ni a vhona? Muya wa Mudzimu, na maya wa tshivhidzo. Hu na maya wa tshivhidzo, na Muya wa Mudzimu une zwa vhukuma wa si vhe maya wa tshivhidzo, na khathihi.

Hu na maya wa dinomineisheni.

²⁷ Hu na maya wa dzitshaka. Hu na maya wa lushaka. Lushaka luñwe na luñwe, musi ndi tshi ya ngomu, na tshimbila henefho, ni wana mimuya yo fhambanaho. Ndo ya Finland, vhathu vhavhudí, fhedzi ho vha hu na maya wa Tshifinish. Nda tsa fhasi Germany, hu na maya wa Germany.

²⁸ Hafha zwi si zwa kale, ndo vha ndi khou tshimbila na mufumakadzi wanga, musi ro vha ri kha ði dzula Indiana, miñwaha i si gathi yo fhiraho, nga kha makete muñku. Ndo tou ða hayani. Ro do tea u wana zwiñwe zwiliwa. Huno ndilani yanga ya u ya hanefho, ro . . . Ho vha hu tshifhinga tsha tshilimo, zwi nga ði itea na si zwi tende, fhedzi ro wana mufumakadzi o ambara rokho. Huno zwe vha zwi zwisili, nda . . . Zwe ntshuwisa. Nda—nda ri, "Sedzani hangei, izwo zwi vhonala zwi zwisili, houla musadzi o ambara rokho." Vhañwe vhoþhe vho vha vho ambara zwi ambaro zwi sa . . . songo teaho kha musadzi. Huno—huno a ri . . . Nda ri, "Zwo ralo, uyo u tou vha maya wa Amerika, ni a vhona, maya wa Amerika."

²⁹ Zwino, maya Amerika, ndi . . . lu tea u vha lushaka lwa Tshikriste, fhedzi maya wa holwu lushaka a si wa Tshikriste. Lu nga ði vhidzwa lushaka lwa Tshikriste, fhedzi lu maela dza milioni kule hazwo, nga mvumbo. Ngauralo, hoyu musadzi, nda ri . . .

A ri, "Zwo ralo, naa a ri Vhaamerika?"

³⁰ Nda ri, nda ri, "Hai. Ri tshila hafha. Heli ndi shango ɬashu. Ri—ri—ri dzula khalo. Ri a li funa. Ndi lushaka lwa khwinesa kha lifhasi. Fhedzi, naho, a ri Vhaamerika." Nda ri, "Ro bebwa u bva

N̄tha. Muya Mukhethwa wo tsa, huno ri wela kha Muvhuso. A si wa lino shango.” Nda ri, “Ndi zwone zwi no itisa uri khaladzi dzashu vha ambare dzirokho, vha vhe na mavhudzi malapfu, vha sa dole zwi dolatshifatuwo. Ni a vhona, mvumbo yavho i vha ṭalusa sa ‘vhukhethwa kha Murena,’ u bva N̄tha.”

³¹ Ngauralo-ha, ri khou ṭoda Muvhuso. Ri khou ṭoda Khosi u da ya tanganedza vhalanda Vhayo kha Muvhuso Wayo. Huno vha ṭaluswa nga—nga mvumbo yavho, uri ludzula lwavho a si lwa heli lifhasi kana holwu lushaka. Lu bva N̄tha, kha Vhugala. Ngauralo-ha, vha, “Vha khou ṭoda Dorobo Ine Mufhaṭi na Muiti ndi Mudzimu.” Vha a ṭaluswa zwavhuđi.

³² Ndi tama ndo vha ndi na ipfi la u rera kha vhoinwi vhuňwe vhusiku. Fhedzi ndi—ndi bva kha hezwo. Zwino, u ṭaluswa nga mvumbo yatsho.

³³ Ri wana tsumbo yavhuđi hafha nga tshifhinga tsha vha Israele, vha tshi da kha shango lo fhulufhedziswaho. Huno Mudzimu o vha o vha vhidza u ya nga pfulufhedziso Yawe. O vhudza Abrahamu hezwo, U do...mbeu yawe i do vha kha lushaka lusili, lwa miňwaha ya madana maña, huno U do mu vhofholola nga tshanda tsha maanda, huno vha do ya kha shango, zwenezwo, lo fhulufhedziswaho, lo vha li tshi khou ela mukhaha na notshi. Huno musi tshifhinga tsha pfulufhedziso tshi tshi swika, ha da Fa—Farao we a vha a sa divhi mushumo wa Yosefa muhulwane we a vha nawo vhukati havho.

³⁴ Huno, hezwi, Mudzimu o vusa muporofita a no pfi Mushe. Huno munna o vha o funzwa kha vhuđali hođhe ha Vhaegipita. A hu na u tima-tima fhedzi uri o vha e munna muhulwane, thanyaho, wa u ṭalifha, ngauri o vha a tshi kona u funza Vhaegipita vhuđali. O vhonala sa munna o—olugelaho u vhofholola.

³⁵ Fhedzi, inwi ni a vhona, zwine ra zwi vhidza mbopholowo, na zwine Mudzimu a zwi vhidza mbopholowo, zwo fhambana.

³⁶ Zwino lavhelesani hoyu munna na maano awe ot̄he. U a zwi divha uri o vha o bebelwa u vhofholola vhana vha Israele. Naho zwo ralo, e na pfunzo yawe yođhe, ndi zwezwo fhedzi zwine a divha nga hazwo, huno a tshi divha uri o vha o vhidzwa nga Mudzimu u ita mushumo, o vha a na yawe yođhe... O vha a na yawe Bachelor ya Art, na yawe Ph.D., na LL.D., na zwiřwevho. Huno a ya u vhofholola Israele, nahone a vha o kundwaho tshođhe.

³⁷ Zwino dzhielani nzhele, zwo vhonala u nga ri, ene a na mulenzhe wawe kha khuluđoni ya Egipita, u vha Farao, a nga vhofholola vhana vha Israele nga murahu ha musi o no vha Farao, ngauri o vha a ene a tevheleaho kha muduba wa—wa khuluđoni. Fhedzi, ni a vhona, uri, nga u zwi ita nga iyo nđila, zwi nga si ṭaluse mvumbo ya Mudzimu ya u vhofholola vhatu Vhawe.

³⁸ O ri U do vha vhofholola. *U* do vha “vhofholola nga tshanda tshihulwane tsha maanda,” hu si Mushe nga tshanda tshihulwane, fhedzi tshanda tshihulu tsha Mudzimu.

³⁹ Ri wanulusa uri hoyu muporfita o shavha huno a vha a sogani lwa miñwaha ya fuiña. Zwo dzhia Farao miñwaha ya fuina u longa pfunzo khae, huno zwa dzhia Mudzimu miñwaha ya fuiña u i bvisa khae. Ngauralo ri wana, liñwe quvha, uri o, nga murahu ha soga, o ḥangana na Murena Mudzimu kha tshiṭaka tshidugaho, nga tshivhumbeo tsha Khavhu ya Mulilo yo dzula kha tshiṭaka. Huno a humbelwa u bvula zwienda zwawe, uri, fhethu he a vha o ima hone ho vha hu hukhethwa. Zwino sedzani kha hoyu wavhuđi, wa mvelele, munna o funzeaho, we a vha o, sedzani u shanduka ha mvumbo yawe nga murahu ha musi o ḥangana na Mudzimu. O ita zwinzhi zwa . . .

⁴⁰ Tshiñwe tshifhinga Mudzimu u ita zwithu nga ndila yo leluwaho, na ndila ya vhutsilu, kha muhumbulo wa ḥama. Dzhielani nzhele munna we a vha o kundelwa tshoṭhe; a na mmbi yothe ya Egipita na tshiñwe na tshiñwe u mona nae u ita lufuno lwa Mudzimu, a na pfunzo yithe, kha miñwaha ya fuiña, e kha nungo dzawe. Hafha khoyu, u na miñwaha ya fumalo nga vhukale, matsheloni a tevhelaho, a na mufumakadzi wawe vho dzula kha meila, a na mutuku kha zwirumbi zwawe, na thanda tshandani tshawe, a tshi tsela phasi Egipita, u kunda. Ni a mba nga mbonalo i seisaho! Fhedzi hezwo zwe vha zwi tshi khou ḥana mvumbo ya Mudzimu, ngauri O vha a na munna ane a nga tenda Ipfī Lawe. Ndi zwenezwo fhedzi. Tshithu tshazwo tshio vha, naa ni nga humbulela tshiṭereke tsha munna muthihi a tshi khou ya Egipita, hune, mmbi yo kundelwa? Fhedzi ho vha hu mini? Mvumbo yawe, maano awe o vha o shanduka. O vha a tshi khou ya Dzinani la Murena, “NDI NNE ARE HONE.” Tshithu tshazwo tshio vha, o kunda. O ralo, ngauri o vha a tshi khou ya nga Maanda a Murena.

⁴¹ Ndilani yawe, a tshi ranga phanda Israele nnda u ya kha shango lo fulufhedziswaho, a ḥa a vha kha vhukwamani na mukomana wawe, mukomana wawe wa dinomineisheni, Moaba. Zwino, Moaba, nga iñwe ndila, vho vha vha vhahedeni. Avho vho vha vha vhana vha vhananyana vha Loto. Muñwe wa vhana vhawé vha—vha vha bveledza Moaba.

⁴² Zwino, n̄tha hangei, ndi ḥoda inwi ni tshi dzhiela nzhele hedzi tshaka mbili, kha u dzivhambedza. Hafha ho vha hu Egipita, luñku, lwo balanganaho, lu si na shango la u ya khalo, lu si na komiti kana khosi, kana tshithu, kana muñwe muñvhalea vhukati halwo, hu tou vha vhatu vha ndilani ya u ya kha shango lo fhulufhedziswaho. Huno hafha vho do tea u fhira nga kha shango la Moaba. Lo vha li hanefho kha ndila ya pfulufhedziso.

⁴³ Huno Moaba, nae, vho vha vha vhatendi kha Jehova, nahone vho vha vha na muporofita. Huno na Israele yo vha i na muporofita. Dzothe dzo vha dzi na vhaporofita.

⁴⁴ Huno zwino dzhielani nzhele, vho vha vho da fhethu he muporofita wa lushaka lwa dzangano o vha a tshi khou da fhasi u sera lushaka holu luñwe, ngauri vho vha vha tshi tou vha vhaendi, vha si na fhethu hune vha nga dzula. Ngauralo vha da fhasi.

Huno lavhelesani avho vhaporofita vhavhili: Musi zwi tshi da kha u amba nga ha mutheo, vhothe vho vha vhe kha ngoho kokotolo. Ngauri, dzhielani nzhele, Biliamu, mubishopo, o mu vhudza, “Zwino, ni mphatela alitare dza sumbe.”

⁴⁵ Sumbe ndi nomboro yo fhelelaho ya Mudzimu, i tshi fanyisa Zwikathathi zwa Sumbe zwa Tshivhidzo, mađuvha a sumbe a u sika, na zwiñwe-vho. Zwino dzhielani nzhele, sumbe, Mudzimu o fhelela kha sumbe.

⁴⁶ “Alitare dza sumbe, huno kha alitare inwe na inwe vheani mbu—mbudzi.” Zwino ndi yone kokotolo alitare ye vha vha nayo kha gammba ya Vhaisraele. Huno hafha khevha fhasi ngei Israele, vha na alitare i fanaho na ine vha vha nayo ntha hafha; na tshithavhelo tshithihi, mbudzi na mbudzi; muporofita na muporofita. Tshaka mbili, kha mbampedzo.

⁴⁷ Tsumbo yavhudzi ya ñuvha line ra khou tshila khalo, arali ro vha na tshifhinga tsha u ya khazwo. Dzhielani nzhele, Mudzimu a tshi ita hezwi nga tshifanyiso, uri ri do wanulusa, kha u vhambedza.

⁴⁸ Zwino, naho, Biliamu o ñoda ngwana kha alitare inwe na inwe. Ye ya vha i tshi khou amba nga ha lutendo lwawe kha Mesia a daho. Ngwana, nngu ya nnduna, ndi tshithavhelo tshithihi tshifanaho na tshe vha vha vhe natsho fhasi Israele; fhasi kha gammba ya Vhaisraele, ngeno ntha kha—kha la Moaba. Mu... Kha mutheo, vhothe vho vha vhe kha ngoho, fhedzi, dzhielani nzhele, kha mutheo wa pfunzo.

⁴⁹ Fhedzi muporofita muthihi fhasi kha gammba ya Vhaisraele o vha a na mvumbo ya Mudzimu kha Ipfi la Mudzimu. O dzula na pfulufhedziso ya Mudzimu ya itsyo tshikhathi, ngauri o vha a kha mushumo a tshi ya kha shango lo fulufhedziswaho. Ni a vhona?

⁵⁰ Zwino, u ya nga ha tshipida tsha mutheo, Biliamu, Bałaka a nga vha o ńaluswaho vhunga Mushe o ralo.

⁵¹ Fhedzi, inwi ni a vhona, Mushe, vhu nga e muporofita wa vhukuma wa Mudzimu, ha ngo vha fhedzi na tshipida tsha mutheo, fhedzi o vha na u ńaluswa ha Mudzimu. Ni a vhona, o vha a kha nđila ya mushumo, kokotolo zwe zwa vha zwo fulufhedzisewa itsyo tshikhathi; hu si tshikhathi tsha Noaxe, fhedzi itsyo tshikhathi zwenezwo. “Ndi do ni isa kha shango li

no khou ela mukhaha na mutoli." Vho vha vha ndilani yavho, huno Israele o vha o ḥaluswa na muporofita wawe, Mushe, na Mulaedza wa itsho tshikhathi. Mvumbo ya Mudzimu i tshi khou ḥaluswa kha Mushe. Khavhu ya Mulilo yo vha i khou mu tevhela. Ene o vha a na tshipfumelelo kha nyito; a si khou amba nga hatsho, fhedzi o vha natsho kha nyito. Hu si zwine zwa do vha; zwine zwa vha zwino!

⁵² Dzhielani nzhele, o vha a na nowa ya musinaseṭha ye ya vha yo takulelwā n̄tha u itela malwādze na maṭhupho a vhathu, ngauralo-ha Mushe o vha a tshi khou vhonadza phodzo ya Tshimuya. O vha a na tshipfumelelo, nowa ya musinaseṭha, I tshi amba uri Mudzimu o vha a kha gammba, huno vhathu vho vha vha tshi khou sedza kha iyo nowa ya musinaseṭha vha fhola.

⁵³ O vha a na Tombo lo rwiwaho li tshi khou mu tevhela. Izwo zwe vha zwi tshi khou ḥalusa Mudzimu, u vhulunga Madj a Vhutshilo vhukati havho, dakalo na tshidzo, uri a vha nga lovhi fhedzi vha do vha na Vhutshilo ha lini na lini. Ho vha hu tshifanyiso tsha... Ilō Tombo lo rwiwaho phangani lo vha li tshifanyiso tsha Kristo a tshi rwiwa.

⁵⁴ Zwenezwo, vho vha vha khou tshimbila kha mutalo wa pfulufhedziso. Iyo yo vha i inwe ḥaluso, kha u sumbedza mvumbo ya Mudzimu. Zwi si na ndavha uri uyu muriwe o vha a wa mutheo hani na Ipfi; o vha a na mutheo, na ḥaluso, na mvumbo ya Mudzimu vhukati havho. Mudzimu O dītalusa. Vhaporofita vhavhili, vhoṭe vhuvhili havho vha vhaporofita, huno vhoṭe vhe vha mutheo; fhedzi Mudzimu a ḥalusa mvumbo Yawe kha Mushe, ngauri o vha a na mvumbo ya Mudzimu nae.

⁵⁵ Zwino, hafhu, mvumbo ya Mudzimu tshifhinga tshoṭhe ndi ya n̄tha ha mupo, ngauri ndi Wa n̄tha ha mupo. Mudzimu u n̄tha ha mupo. A zwe ngo dowelea, tshifhinga tshoṭhe, kha kuhumbulele kwa ḫuvha la tshi zwino. Ni a zwi ḫivha hezwo. Mudzimu tshifhinga tshoṭhe o sinyusa vhurangaphanda, kha-kha zwigwada zwa vhurereli zwa tshikhathi tshiñwe na tshiñwe tshe tsha fhira.

⁵⁶ Huno a hu na na tshifhinga na tshithihi tshe muthu muthihi kana tshigwada tsha vhathu tsha vhuya tsha dīdzudzanya fhethu huthihi kha mulaedza fhedzi tshe tsha fa tsha ya kha u dzumbiwa, tsha si tsha vuwa hafhu. A hu na ḫivhazwakale. Vhaluṭere, Vhaputuresbetheriene, Vhamethodisi, Vhabaphuthisi, Vhapentekostała, na vhañwe, a vho ngo vhuya vha vuwa hafhu, musi vha tshi ya u U dzudzanya.

Mudzimu u shuma nga muthu muthihi.

⁵⁷ Dzhielani nzhele, Ndi a songo doweleaho kha ndila ya u humbula. Ni a vhona, ri a bva kha matshimbidele one a zwithu, huno ri tea u Zwi tenda nga *heyi* ndila. Huno zwenezwo Mudzimu u da u mona na Ipfi Lawe le A li fulufhedzisa, huno A dītalusa kha ilō Ipfi. *Hetshi* tshigwada tshi nga si ye Khazwo,

ngauri a tshi tendi Khazwo. Ni a vhaba, tsho no di tumula Khazwo.

⁵⁸ U nga Yosefa, o vha a murwa wa Davida, na munna wavhudzi, Yosefa munna wa Maria. O vha a munna wavhudzi, a hu na u timatima a tshi vhala Bivhili, tshikurolo, lu sa fhidzi, ngauri... huno o vha a tshi khou sedza Mesia uri a de, huno o vha o tea o divha zwe Mañwalo a amba uri zwi do bvelela. Yesaya o ri, "Tshipofu tshi do vha muthu wa thovhele."

⁵⁹ Zwo ralo, zwino, o vha a tshi khou tshimbila na hoyu musidzana muswa, Maria, khañwe wa miñwaha ya fumimalo, nahone khañwe ene e muhulwane zwiñuku. Huno musi vho bviselana mamalo uri vha malane, a sumbedza u vha mme. Zwino izwo zwo nga u kondà kha Yosefa u nga u ya liladza kha hezwo. A hu na u tima-tima fhedzi zwe Maria a mu vhudza nga ha u dalelwa hawe nga Gabriele. Fhedzi ri dzhiela nzhele, ndila ye mvumbo yawe ya vha i tshi khou mu ranga phanda, o zwi tima-tima.

⁶⁰ Zwino o wanala u vha mme musi vha sa athu tshata. Huno, kha Bivhili, tshigwevho tsha izwo ndi lufu, nga u kandiwa nga matombo. Musadzi a songo tshataho a tshi vha mme, o do tewa u kandwa nga matombo. Ho vha hu si na u rengisa muvhili ngei Israele. Ho vha ho bviselwa nda. Huno ri wanulusa, kha Dotoronomio, i ri vhudza izwo.

⁶¹ Zwino ri wanulusa uri, Maria, o vhaba u nga ri u khou lingedza u shumisa Yosefa u thivhedza vhuñwe vhuada he a ita. Ngauri, arali o no wanala u vha mme vha sa athu malana, zwenezwo u fanela u kandwa nga matombo, huno u fanela u vha na muñwe muthu zwino a no do ima sa tsireledzo khae. Huno hezwo zwo vhaba, nga maandesa, unga ndi zwone zwe a vha a tshi khou lingedza u ita.

⁶² Fhedzi Yosefa a tshi sedza kha mañ awe mahulu, huno o vha a tshi do ri, "Yosefa, Gabriele ori kha nne, 'Muya Mukhethwa u do u tsira, huno hetshi Tshithu tshire wa do di hwala ngatsho—ngatsho ndi tsha Muya Mukhethwa. Ndi Mudzimu. Ndi zwine Tsha khou ya u vhidzwa zwone, ene "Murwa wa Mudzimu."'" Huno, Yosefa, o—o—o ḥoda u tenda hezwo, fhedzi zwo vha zwi songo doweleta nga maanda. Izwo zwo vha zwi sa athu itea na khathihi.

⁶³ Huno ndi nga ndila ine zwa vha nga yo ñamusi. Arali ri tshi nga tou fhedzi... Arali ndi na ndila ya u ita uri vhatu vha vhone u sa ñowelea ha tshiñwe na tshiñwe, arali tsho taluswa nga Iphi, zwenezwo mvumbo yatsho i tikedza zwine tsha vha zwone. Ndi Mudzimu kha nyito.

⁶⁴ Yosefa o vha o fanela o divha hezwi. O vha o fanela o divha, "Tshipofu tshi do vha muthu wa thovhela." Fhedzi o vha a wa vhungoho khazwo. O vha a sa ḥodi u mu ḥutshela, lwa tshipofu, fhedzi o—o vha a tshi khou humbula nga ha u zwi ita.

⁶⁵ Huno zwenezwo Muruňwa wa Murena a bvelela khae nga muloro. Naa no vhuya na dīvhudzisa uri ndi ngani O bvelela nga muloro? Ho vha hu si na vhaporofita nga ayo maduvha. Miloro yavho yo vha i khagala, a yo ngo ṭoda u ḥalutshedzwa. Ha pfi, “Yosefa, iwe murwa wa Davida, u songo ofha u dzhia kha iwe Maria mufumakadzi wau, ngauri itsho tshe a dihwala ngatsho ndi tsha Muya Mukhethwa.” Ni a vhona, zwenezwo, izwo zwi a li ladza. Ni a vhona, O da khae nga muloro, lwa vhuvhili. Fhedzi, inwi ni a vhona, ho vha hu si na muporofita hafho wa u ḥalusa ilo Ipfi, uri, “Hoyu ndi tshipofu tshire tsha do vha muthu wa thovhele.” Ni a vhona? Ngauralo, zwenezwo-ha, O vhonala khae kha muloro, ngauri o vha e wa ngoho nahone e munna muvhuya.

⁶⁶ Huno ndi tenda uri Mudzimu u do da kha munna muvhuya munwe na muňwe, nga inwe ndila, huno a ḥalusa u ita Hawe kha uyo munna muvhuya, ha tshikhathi, arali munna o vhidzwa nga Mudzimu u itela itsho tshikhathi.

⁶⁷ Zwino, fhedzi zwe vha zwi songo dowelea, vho tou kondelwa u zwi pfesesa. Fhedzi, tshifhinga tshothe, u vhonala u ya nga ha Ipfi lo fulufhedziswaho la itsho tshikhathi, hohu u sa dowelea hothe.

Zwino hu na vhaňwe vhathu vhane vha nga tshimbila, vha tshi ri, “Zwo ralo, izwi a zwe ngo dowelea, ndi Mudzimu. Izwi a zwe ngo dowelea.”

⁶⁸ Fhedzi, inwi ni a vhona, zwi tea u ḥaluswa nga Ipfi, huno Ipfi ndi Mudzimu. Ni a vhona? Huno mvumbo ya hei ḥhaluso i ḥalusa ane a vha ene, ngauri Mudzimu o ri, “hezwi zwi do bvelela,” huno zwe bvelela. Ni a vhona? Mvumbo yazwo ndi Ipfi la Mudzimu li tshi khou ḥaluswa nga mvumbo ya zwine zwa khou bvelela.

⁶⁹ O amba uri maduvhani a u fhedzisela U do shela Muya Mukhethwa. O zwi ita. Mvumbo yazwo i ḥalusa uri ho vha hu Mudzimu, Ipfi Ławę lo fulufhedzisa. Ni a vhona, zwi dzulela u dīṭalusa.

⁷⁰ Zwino, zwi dzulela, tshifhinga tshothe, u lulamisa ipfi, musi Ipfi li songo ambiwa nga ndila yone. Naa no vhuya na dzhieila nzhele? Zwo vha zwi nga maduvha a Noaxe, we a lulamisa uyo murafho wa saints, uri Mudzimu o vha a tshi khou ya u disa madi phasi u bva kha maťadulu. Ho vha hu Mushe, ni a vhona, we a lulamisa musi vho dzula phasi Egipita, na zwiňwe-vho, fhedzi Ipfi la Mudzimu lo do tea u da u ḥaluswa. Huno Ngoho ya Ipfi i lulamisa phoswo.

⁷¹ Irani ndi ni vhudzise tshiňwe tshithu. Ri nga di dzhena kha zwe dzivhafhalaho zwičuku hafha. A tho ngo tea u rera u funza kana pfunzo, fhedzi irani ndi ni vhudzise tshiňwe tshithu.

⁷² Yesu o vha a Ipfi. Ri a zwi dīvhafha hezwo. Bivhili yo ri o vha o ralo. Yohane Mukhethwa, ndima ya u thoma, “U rangani ho vha hu na Ipfi, huno Ipfi lo vha li na Mudzimu, huno Ipfi lo vha li Mudzimu. Huno Ipfi la itwa n̄ama la dzula vhukati hashu.” U

kha ḋivha Ipfi. Huno musi A tshi kona u ṭalukanya mihumbulo yavho, vho vha vho tea vho ḋivha uri iło lo vha li Ipfi, ngauri Ipfi la Mudzimu li ri ndi zwine A do ita. O vha a Muporofita.

⁷³ Zwino dzhielani nzhele, ri wanulusa uri musi O bebwa, nga miñwaha ya fumimbili nga vhukale, O ya kha tshimima tsha thaberanakele. Huno vho vha vho ya n̄tha hangei kha Paseka. Huno, ndilani yavho ya u vhuya, vho tshimbila lwendo lwa mađuvha mararu huno vha Mu sia; ṭalukanya, elekanya, kha ndi ri, u humbulela uri O vha a vhukati ha mashaka avho.

⁷⁴ Ri nga ita pfunzo u bva kha hezwo. Izwo zwo dala namusi! Zwino vhoinwi Methodisi, Baphuthisi, Phuresibetheriene, Luṭere, Katolika, tshiñwe na tshiñwe tshine na vha tshone, ni a vhona, ni khou ita zwenezwo zwithu zwithihi. Ni khou ṭalukanya ngauri Wesley o vha na mvuseledzo khulwane, Luther o vha na mvuseledzo khulwane, kana Pentekoste yo vha na mvuseledzo khulwane, ni khou elekanya uri U vhukati ha vhatu, musi, tshiñwe tshifhing A siho afho.

⁷⁵ Vho ya u Mu wana. Naa vho Mu wana gai? He vha Mu sia hone, ngei Jerusalema. Huno musi vha tshi Mu wana, naa O vha a tshi khou ita mini? Mutukana mułuku, miñwaha ya fumimbili, khańwe o vha a sa athu dzhena tshikolo u fhira zwe mme Awe vha Mu funza; huno hafha O vha e thembeleni, a tshi khou vha na nyambedzano na avho vhotshifhe, nga ha Ipfi la Mudzimu. Huno vho vha vho akhamadzwa nga vhuṭali ha uyu Nwana. Ndi ngani? O vha a Ipfi. Zwino lavhelesani.

⁷⁶ Huno hu si u nyadza vhoinwi vhatu Vhakatolika vhane na vhidza Maria mme a Mudzimu, fhedzi irani ndi ni sumbedze vhukhakhi vhuṭuku hafha. Arali tshivhidzo tsho fhaṭiwa kha Maria, lavhelesani zwe zwa bvelela. Huno u ya da huno a ri, “Oo, khotsi Au na nne ro U ḫoda, nga miłodzi.” Lavhelesani itsho tshiṭatamennde, o thutha vhuṭanzi hawe. O ri, “Khotsi na nne ro U ḫoda, nga miłodzi.”

⁷⁷ Lavhelesani heļo Ipfi. O vha a Ipfi. A ri, “Naa a ni zwi ḋivhi uri Ndi faneļa u vha kha mushumo wa Khotsi Anga?” Lavhelesani Ipfi li tshi lulamisa phoswo. Hanefho phanda ha avho vhotshifhe, o thutha vhuṭanzi hawe. O ri o vha o ḋihwala nga Muya Mukhethwa, huno afha uri Yosefa ndi “khotsi” Awe. Ni a vhona iło Ipfi li zwi fara nga u ḫavhanya? O vha a Ipfi. Zwino, ni a ḋivha mutukana wa miñwaha ya fumimbili a nga si ite hezwo. O vha a Ipfi. O vha a Ipfi lo ambiwaho la uyo murafho, ngauralo zwenezwo myumbo yo ṭaluswaho ya Mudzimu yo vha i kha Kristo. O lulamisa dziphoswo. O ri . . .

Vha ri, “Mulandu, ri vhafunziwa vha Mushe.” Ni a vhona?

⁷⁸ A ri, “Arali no vha ni vhafunziwa vha Mushe, no vha ni tshi do vha no Nđivha. O nwala nga ha N̄qe. Mushe o ri, ‘Murena Mudzimu wañu u do vusa Muporofita a no nga nne.’ No vha ni tshi do vha no Nđivha arali no ḋivha Mushe.”

⁷⁹ Huno, vhonani, Ipfi tshifhinga tshothe li lulamisa phoswo dza ḫuvha. Fhedzi vhathu a vha takaleli u zwi tenda. Vha tou ya phanda, nga ndila i fanaho.

⁸⁰ Fhedzi Yesu a lulamisa mme Awe. Huno mme Awe vho vha vha kha phoswo, ngauri vho vha vho no ri uyo o vha e Nwana we vha dihwala nga Muya Mukhethwa, huno hafha u shandukisa vhuṭanzi hawea ri Yosefa o vha “khotsi” awe, o vha a khotsi a—a Yesu. Zwino arali—arali Yosefa . . .

⁸¹ Arali O vha a murwa wa Yosefa, arali O vha a kha mushumo wa khotsi Awe, O vha a tshi do vha a fhasi hangei kha vhengele la muvhadi.

⁸² Fhedzi O vha a kha mushumo wa Khotsi Awe, n̄tha hangei kha Thembele, a tshi kaidza ayo madzangano. Ni a vhone? O vha a kha mushumo wa Khotsi Awe, a tshi tou vha mutukana wa miñwaha ya fumimbili. “Naa a ni zwi ḫivhi uri ri Ndi tea u vha kha mushumo wa Khotsi Anga?”

⁸³ Naa no dzhiela nzhele musi Yesu a tshi lingwa nga Sathane? Mvumbo Yawe henefho, musi O vha a kha u lingwa Hawe, ho Mu talusa u vha Mudzimu, ngauri O dzula na Ipfi. Ni a vhone? “Zwo nwaliwa,” aralo Sathane.

Yesu a ri, “Zwo dovha zwa nwaliwa,” o dzula na Ipfi.

⁸⁴ “Mudzimu, nga zwifhinga zwa kale,” ri a vhalala hafha. “Mudzimu, nga zwifhinga zwa kale,” ndi misi ila ya kale, “nga mikhwa yo fhambananaho,” nga ndila nnzhi, “O ditalusa kha vhaporofita Vhawe nga mabono.” Iyo yo vha i mvumbo ya muporofita, ndi musi a tshi amba zwithu huno zwa bvelela. Zwino ho vha hu u ḫaluswa ha mvumbo yawe, uri Mudzimu o vha a nae. Zwenezwo izwo zwo mu fha pfanelo ya u ḫalutshedza Ipfi la ilo ḫuvha, ngauri, “Ipfi la Mudzimu li da kha vhaporofita,” mvumbo ya vhaporofita, vhe A dzula o vha ambela phanda.

⁸⁵ Bivhili i ri, “Arali hu na muñwe, huno zwine a amba zwi tshi da zwa khunyelela, zwenezwo ni mu pfe; fhedzi, arali zwi sa ralo, ni songo mu tenda, ni songo mu ofha, fhedzi Ḫanga . . . arali—arali Ipfi Ḫanga li siho khae. Fhedzi arali zwi tshi da zwa khunyelela, zwenezwo Ipfi Ḫanga li khae.” Ndi yone ḫalusso yawe. Ndi yone mvumbo ya muporofita.

⁸⁶ Zwino, Mudzimu, nga zwifhinga zwa kale, ndi nga ndila ye A sumbedza mvumbo Yawe ya ḫalusso ya Ene muñe kha muthu, nga u amba nga kha muthu we a vha o vhidzwa u vha muporofita. Zwino, Bivhili i amba hezwo, “Mudzimu, nga zwifhinga zwa kale, nga mikhwa yo fhambananaho, o amba na vhokhotsi nga kha vhaporofita.”

⁸⁷ Ri dovha ra vhalala, nga hangei kha Petro ya Vhuvhili, uri Ipfi lothe la Mudzimu lo nwala ngavho. “Vhathu vha kale, vha tshi khadwa nga Muya Mukhethwa, vho nwala Bivhili.” Who vha vha vhaporofita. Ipfi lo da khavho huno vha Li nwala,

rwala fhasi, fhasi ha thuthuwedzo. Tsha u thoma vho vha vha vhaporofita vho ḥaluswaho, zwenezwo vha—vha rwala Ipfi la thuthuwedzo, huno vho vha vha na thalutshedzo ya nzumbululo ya Muya ngauri ho vha hu Mudzimu kha muthu.

⁸⁸ Zwino ndi nga ndila ye A disumbedza Ene muṇe nga kha mvumbo Yawe ya ḥaluso, mabono avho a tshi khwaṭhisizedza, ho vha hu mvumbo ya Mudzimu khavho, A tshi diita uri a ḫivhee kha vhathu.

⁸⁹ Zwino, ndi yone ndila fhedzi ye A vha e kha Kristo. Muporofita o vha a tshi tou vha fhedzi ḥase. Kristo o vha e u khunyelela ha Mudzimu. Huno Mudzimu o vha a kha Kristo, a tshi khou vhuyedzedza shango kha Ene muṇe. Huno mvumbo Yawe ya Mu ḥalusa, zwe A vha e zwone, u swika hune A vhuya a ri, "Arali Ndi sa iti mishumo ya Khotsi Anga, zwenezwo ni songo zwi tenda. Arali Ndi si na mvumbo ya Khotsi Anga, zwenezwo ni songo Ntenda, ni songo tenda mbilo Dzanga. Arali Ndi si na mvumbo ya Khotsi Anga kha Nne, zwenezwo ni songo zwi tenda, na khathihi."

⁹⁰ Zwino, mvumbo Yawe a i shanduki. Mudzimu a nga si shandukise mvumbo Yawe, u fhira yone—yone ngwa—ngwana i tshi nga shandukisa mvumbo yayo, kana tshiñwe tshithu tshi tshi nga shandukisa mvumbo yatsho. Ngauri, tenda fhedzi tshi kha vhubvo hatsho, ndi tsha vhukuma. Arali na shandukisa tshiñwe tshithu, zwenezwo no tshi shandukisa kha vhubvo hatsho.

⁹¹ Zwi tou fana na u dzhia ngu—nguluvhe, huno ni nga ḥanzwa nguluvhe na—na vhea pennde kha ḥala dzayo, u nga vhasadzi vha tshi ralo, huno na i lugisa nga zwiđolamulomo, huno na i ambadza rokho ya vhudi. Fholololani iyo nguluvhe ya kale iye nn̄da, i do ya tswititi kha matope, ya vha thophe hafhu. Ndi ngani? Ndi nguluvhe, ndi zwenezwo fhedzi. Fhedzi, huno, fhedzi, inwi ni a ḫivha, ni nga si ite . . .

⁹² Ngwana i nga si ite hezwo. I nga si vhuye ya dzhena kha matope. A i ḥodi na tshithu na tshithihi malugana nazwo. Ndi mvumbo yazwo. Ni a vhona? Ni nga i ambadza kha lushaka luthihi lwa zwiambaro, fhedzi ngoho a i nga ralo, i nga si ye na khathihi. Nga nn̄da a hu ambi tshithu; ndi nga ngomu. Zwino, Mudzimu a tshi vha tthisima tsha vhutshilo hoṭhe . . .

⁹³ Ni songo kundelwa u wana hezwi. Ndi khou lingedza, kha zweithe zwine zwa vha kha nne, u ni ita uri ni vhona tshiñwe tshithu. Ni a vhona? Ndi u itela zwavhuđi zwañu, khonani. Ndi u itela vho—vhoinwi. Ni a vhona?

⁹⁴ A tho ngo ḫa hafha u tou vhonwa. A tho ngo ḫa hafha, ngauri ho vha hu si na huñwe fhethu ha u ya. Ndo ḫa hafha ngauri ndo pfa uri ndi tea u ḫa. Ndo pfa uri mushumo we Murena a mpha u tea u sumbedzwa vhukati ha vhathu hafha, huno ndi khou lingedza u ni sumbedza zwine Mudzimu zwavhukumakuma a

vha zwino. Ndi Ene Ipfi lo fulufhedzisiwaho. Ene tshifhinga tshothe ndi Ipfi, huno U ditalusa Ene muñe nga mvumbo ye A fhulufhedzisa. Mvumbo ya luñwe lushaka i nga vuwa nga tshifhinga tshikene, ine ya vha kha Ipfi, zwenezwo mvumbo ya yu muthu ano tea u ña i ñalusa uri hoyu ndi ene muthu.

⁹⁵ Ndi ngazwo Yesu o do tea u vha ane A vha Ene. Vho vha vho tea vho zwi vhona. A zwi mangadzi vho vha mabofu. Tshithu ndi . . . A ri, naho O ita madembe manzhi, vho vha vha nga si tende, ngauri Yesaya o ri, "Vha na maño fhedzi a vha vhoni, na ndevhe fhedzi a vha pfi." Ni a vhona? Tshikhathi tshiñwe na tshiñwe, hu si tshikhathi Tshawe fhedzi; fhedzi tshikhathi tshiñwe na tshiñwe, nga ndila-de, "Mudzimu, nga zwifhinga zwa kale, nga mikhwa yo fhambananaho," naho zwe ralo a vho ngo kona u zwi wana.

⁹⁶ Zwino, mvumbo Yawe a i kundelwi na khathihi. I dzula i i sa shanduki. Zwino, elelwani, mvumbo Yawe, mvumbo ya Mudzimu, i nga si kundelwe. Arali ya ralo, zwenezwo Mudzimu o kundelwa. Huno Bivhili i ri, kha Vhaheberu 13:8, u ri, "Yesu Kristo ndi a sa shanduki mulovha, namusi, na lini na lini." Ngauralo-ha, ndi Ene Mudzimu a sa shanduki. Mvumbo iñwe na iñwe Ye a vha e yone u rangani, U kha ñi vha yeneyo mvumbo. Ndila iñwe na iñwe ye A shuma, tshifhinga tshothe tshe a vhuya A ita tshiñwe tshithu, U zwi ita nga ndila i fanaho tshifhinga tshothe. Arali A sa ralo, ndi uri mvumbo Yawe yo shanduka, ni a vhona, huno mvumbo Yawe i do ñana tshiñwe tshithu tshe tsha vha tshi si tsha Mudzimu. Ni a vhona? Ngauralo ro vha ri nga si ñivhe hune . . .

⁹⁷ U nga Paulo a tshi ri, "Arali lufhalafhala lu tshi nea mubvumo u sa pfali, ndi nnyi ane a do ñivha u dilugisela nndwa, arali lufhalafhala lu tshi nea mubvumo u sa pfali?" Zwino arali lufhalala lu tshi tea u lila "humanî," ndi zwine ra tea u ita, ndi u huma. Arali lufhalafhala lu tshi lila "vhidza," ndi zwine ra tea u ita, ndi u vhidzwa. Fhedzi Lufhalafhala ndi mini? Ndi Ipfi la Mudzimu. Lu ñalusa Mudzimu, kana ndi-kana ndi "iyani ñtha, dzulani fhasi, humanî, petani zwanda," tshiñwe na tshiñwe tshine tsha vha tshone. Ndi mubvumo wa Lufhalafhala lwa Mudzimu.

⁹⁸ Huno mubvumo u sa pfali, musi Bivhili i tshi ri tshithu tshikene tshi tea u itea; muñwe o ri, "Oo, izwo zwe vha zwi zwa liñwe ñuvha, izwo." Zwenezwo hu na mubvumo u sa pfali heneffho. Zwenezwo a ni ñivhi zwine na nga ita.

⁹⁹ Yesu o ri, "Ndi na maanda a u vhea vhutshilo Hanga fhasi nahone nda dovha nda vhu džhia hafhu." A hu na mubvumo u sa pfali heneffho.

¹⁰⁰ Mufumakadzi a ri, "Ri a zwi ñivha uri Messia u ya ña; huno musi A tshi ña, U do ri vhudza zwithu vhunga O ita."

¹⁰¹ A ri, “Ndi nne Ene.” A hu na mubvumo u sa pfali hafho. “Ndi nne Ene.” Uh-huh! Amen.

Vha ri, “Vhokhotsi ashu vho la mana sogani.”

¹⁰² A ri, “Vho, muñwe na muñwe wavho, vho fa.” A ri, “Fhedzi Ndi nne Tshinkwa tsha Vhutshilo tshi bvaho ha Mudzimu ngei Tadul.” A hu na mubvumo u sa pfali. “Ndi Muri wa Vhutshilo, u bva ngadeni ya Edeni.” A hu na, a hu na mubvumo u sa pfali nga ha hezwo. Zwavhukuma hai. A hu na tshi sa pfali nga hazwo. O vha a tshi pfala kha tshiñwe na tshiñwe tshe A ita.

¹⁰³ Bivhili a i fhi mubvumo u sa pfali. I ḥalusa mvumbo ya Mudzimu kha u bvuma hayo.

¹⁰⁴ Yesu o ri, kha Yohane Mukhethwa 10:37, “Arali Ndi sa iti mishumo ya Khotsi Anga, mini...nahone Ndi si na mvumbo ya Khotsi Anga, zwenezwo ni songo Ntenda. Ndi yone, I ḥalusa mvumbo Yawe kha Nñe, mvumbo Yawe.”

¹⁰⁵ Ngauri, Khotsi ndi Ipfi, “U rangani ho vha hu na Ipfi, huno Ipfi lo vha li na Mudzimu, huno Ipfi lo vha li Mudzimu,” huno mvumbo ya Mudzimu i ḥaniwa nga pfulufhedziso Dzawe dza itsho tshikhathi.

¹⁰⁶ Zwino arali O tshila nga tshifhinga tsha Mushe, zwo vha zwi nga si shume. Huno arali Mushe o vha o tshila nga tshifhinga Tshawe, zwo vha zwi nga si shume. Arali O tshila nga tshifhinga tsha Noaxe, zwo vha zwi nga si shume, kana arali Noaxe o tshila nga tshifhinga Tshawe. Noaxe o vha a tshi khou porofita zwithu zwa ilo duvha, huno mvumbo yawe na zwe a ita zwi mu ḥalusa na Ipfi la Mudzimu. Mushe o ita zwithu zwithihi.

¹⁰⁷ Huno hafha Yesu a da, huno Ipfi la fhulufhedziselwa itsho tshikhathi lo ḥaluswa kha Yesu Kristo nga mvumbo ya Ipfi, ine ya vha Mudzimu. Amen.

¹⁰⁸ U shelwa ha Muya Mukhethwa, nga mađuvha a u fhedzisela, kha vhatu zwavho, zwo ḥalusa mvumbo ya Mudzimu na vhatu. O zwi fulufhedzisa. Ndi Ipfi. O amba uri U do zwi ita. A hu na ane a nga zwi dzhia murahu. O ri U do zwi ita.

¹⁰⁹ Ngauralo hezwi zwiñwe zwithu zwe A zwi fhulufhedzisa, ndi zwine A ita. Zwi ḥalusa mvumbo Yawe. Ee, mune wanga. “Ni songo zwi tenda, ni songo tenda mbilo Dzanga, arali mvumbo Yanga i si ya Mudzimu.”

¹¹⁰ Zwino dzhielani nzhele kha Yohane 14:12, “Uyo a tendaho kha Nñe,” O ri, “u na thaluso Yanga, mvumbo Yanga. O tenda kha Nñe, mishumo ine Nda i ita nae u do ita-vho.” Izwo zwi ḥalusa uri mvumbo ya Kristo i khae, a tshi ḥana mvumbo Yawe. Amen.

¹¹¹ Ndi pfa ndi wa vhurereli zwino, arali ndi na manzaranzara. Ee, mune wanga. Yawe, nne nñe! Ni a vhona, a hu na phoswo nga Hazwo! Vhutshilo Hawe! “Uyo ano tenda kha Nñe, mishumo ine nda ita u do ita-vho.” Ni a vhona, izwo zwi ḥalusa mvumbo.

¹¹² Tshithu tshithihi tshe A amba: “Arali mvumbo Yanga i sa N̄talusi,” Mudzimu kha—Khae, zwenezwo U...ni songo Mu tenda. Zwino, O dovha a ri U do ̄taluswa kha hezwo. Zwenezwo, izwo, arali zwi sa Mu ̄talusi, zwenezwo Ha zwine A amba uri u zwone.

¹¹³ Huno, ̄namusi, arali Kristo a sa ditalusi Ene muñe, mvumbo ya Kristo i ̄talusa riñe u vha vha Kristo, ri tshi tenda Ipfi... Yesu o vha a Ipfi, ngauralo O do tea u tenda Ipfi. Huno ri nga amba hani uri ri vha Kristo, ngeno ri tshi landula linwe Ipfi la iyo Bivhili? Muya Mukhethwa wa Kristo ndi Mudzimu kha inwi, huno U do bvyumela pfulufhedziso iñwe na iñwe nga “Amene.” Bivhili i ri, “Hezwi zwiga zwi do tevhela avho vhane vha tenda.” Muya wa Mudzimu uri, “Amene.” Ni a vhona?

¹¹⁴ Muñwe wavho ha ri, “Hai, izwo zwe vha zwi zwa tshiñwe tshikhathi; zwe vha zwi zwa vhafunziwa fhedzi.”

¹¹⁵ “Iyani-ha kha mashango othe huno ni funze Mafhungomadifha kha tshivhumbiwa tshiñwe na tshinwe. Ene, huñwe na huñwe kha shango, ane a tenda, hezwi zwiga zwi do mu tevhela, zwithu zwithihi.” “Ha shanduki mulovha, ̄namusi, na lini na lini,” mvumbo i tshi ̄taluswa.

¹¹⁶ Izwo zwi ita Vhaheberu 1:1, “Mudzimu wa zwifhinga zwa kale, a tshi amba na vhokhotsi nga vhaporofita,” u ̄talusa Kristo, o vuwaho ̄namusi, nga mvumbo nthihi ye A ita nga zwifhinga zwa kale. Naa no dzhiela nzhele? Mudzimu ha shandukisi ndila Dzawe.

¹¹⁷ Kha Bivhili ya kale, musi mulori a tshi lora muloro, huno ho vha hu si na muporofita kha shango u vhona arali uyu muloro u wone kana hai, vho vha vha na iñwe ndila ya u wanulusa. Vho dzhia iyo mvumbo, onoyo we a lora muloro, vho mu isa fhasi thembeleni. Khanzu ya Aroni, we a vha a tshifhe muhulwane, yo nembelela kha phuphu. Huno hoyu mulori a amba hoyu moloro. A zwi na ndavha uri wo pfala u wavhuði zwingafhani, u ri wo pfala u wa vhukuma zwingafhani; arali ho vha hu si na Tshedza tsha nthia ha mupo tshe tsha taidza kha ayo matombo, ane a vhidzwa Urim Thummim (vhavhali vha Bivhili vha ya pfeses); zwenezwo, a thi na ndavha uri zwi pfala zwi zwavhukuma hani, a zwe ngo ralo. U sa ðowelea ha Mudzimu, mvumbo ya Mudzimu, o do tea u ̄tana mvumbo Yawe kha zwa nthia ha mupo, u sumbedza uri U ya ditalusa Ene muñe kha mulaedza. Amen.

¹¹⁸ Ndi amba zwithu zwithihi madekwana a ̄namusi. Urim Thummim ya kale yo fhela, fhedzi Ipfi li kha di vha tshithu tshi no ̄talusa mvumbo ya Mudzimu, pfulufhedziso ya awara ine ra khou tshila khayo. Hu na mvumbo ya Mudzimu yo ̄taluswaho nga pfulufhedziso ya awara ine ra khou tshila khayo.

¹¹⁹ Izwo zwi ita Mudzimu u vha muthihi sa zwe a vha E zwone. “Nga zwifhinga zwa kale,” sedzani, “nga mikhwa yo fhambananaho, O amba na vhokhotsi nga vhaporofita.” “Huno

mulayo na vhaporofita zwe vha u swika nga tshifhinga tsha Yohane; u bva zwenezwo, Muvhuso wa Tađulu.” Dzhielani nzhele, “Fhedzi mađuvhani a u fhedzisela,” a tshi amba zwithu zwithihi zwe A ralo murahu, “nga kha Murwa Wawe Kristo Yesu.” “Mudzimu, nga zwifhinga zwa kale, nga mikhwa yo fhambananaho, o amba na vhokhotsi nga kha vhaporofita; nga haya mađuvha a u fhedzisela,” a tshi khou ita zwithu zwithihi, “a tshi khou amba na vhatu (vhokhotsi) nga kha Murwa Wawe Kristo Yesu.” O Mu vusa vhafuni, huno U ya tshila ngomu hashu, a tshi khou Dītalusa na u ri vhudza zwithu zwine zwa kha di doda u itea, uri ndi Ene mu ḥalukanyi wa mihungulo na zwine mbilu ya fhima. Yesu Kristo a sa shanduki mulovha, namusi, na lini na lini! “Mudzimu, nga zwifhinga zwa kale na mikhwa yo fhambananaho o amba na vhokhotsi nga kha vhaporofita, fhedzi nga haya mađuvha a u fhedzisela nga kha Yesu Kristo Murwa Wawe.” Mañwalo a nga si shandukiswe. Ndi zwone kokotolo.

¹²⁰ Vhunga ndo amba murahu, Mudzimu ha ḥodi mun̄we muthu u ḥalutshedza heli Ipfi. U ḥalutshedza Ipfi Lawe Ene muñe. Musi A tshi amba tshin̄we tshithu, tshi a itea, ndi yone ḥalutshedzo. Ni a vhona? Ha ḥodi mun̄we muthu a tshi ri, “Zwo ralo, ndi tenda uri zwi amba hezwi.” Mudzimu u tshi ḥalusa nga nga ḥalutshedzo Yawe Ene muñe.

¹²¹ Ndi, arali pfulufhedziso i ya ilo duvha, ri nga si tshile kha tshedza tsha—tsha—tsha Luther, ri nga si tshile kha tshedza tsha Wesley, ri nga si tshile kha tshedza tsha izwo. Ri tea u tshila kha Tshedza tsho fhulufhedziswaho tsha lino duvha.

¹²² Mini-ha arali Mushe o tsa phasi Egipita, huno a ri, “Zwo ralo, ri khou ya u fhaṭa gungwa ḥihulu. Ri khou ya u alavha nn̄da ha heli shango. Nile u khou do ḥala?” Vho vha vha tshi do sedza murahu kha tshikurolo; a hu na pfulufhedziso ya hezwo. Izwo ndi zwone. Fhedzi, inwi ni a vhona, o dītalusa sa muporofita wa Mudzimu, ngauri zwe a amba zwe da zwa khunyelela, zwenezwo vho zwi divha uri u na Ipfi la Murena. Farao o vha a na mapfumo, fhedzi Mushe o vha a na Ipfi. Ngauralo musi vha tshi swika kha lwanzhe, mapfumo othe o tsa phasi ha lwanzhe; huno Mushe a i sa Israele nga seli ha lwanzhe, nga kha mavu o omaho, ngauri o vha a na Ipfi, huno o vha a Ipfi la iyo awara. Mushe o vha a Ipfi lo vhonadzwaho la iyo awara.

Elia o vha a Ipfi lo vhonadzwaho la iyo awara.

¹²³ Kristo ndi Ipfi lo vhonadzwaho, na pfulufhedziso ye A ita. “Hu si kale shango a li tsha do Mmbona; nahoh zwe ralo vho inwi ni do Mmbona, ngauri Ndi do vha na vho inwi, na kha vho inwi, u swika kha mugumo wa shango. Mishumo ine Nda ita na vho inwi—vho ni do ita.” O fulufhedzisa hezwi zwithu. Naa ndi mini? Ndi mvumbo ya Mudzimu i tshi ḥana Ipfi Lawe, u nga O ita kha zwikathhi zweothe.

¹²⁴ Maleaxi 4, O ri, "Hu sa athu da duvha lihulu li ofhisaho la Murena, vhonani, ndi do ni rumela Elia muporofita; huno u do vhuyedzedza lutendo lwa vhana murahu ha vhokhotsi hafhu, ilo duvha li sa athu da." O zwi fulufhedzisa.

¹²⁵ Yesu o ri, kha ndima ya vhu¹⁷ ya Luka Mukhethwa, "Vhunga zwo ralo mađuvhani a Sodoma, ngauralo zwi do ralo u dani ha Murwa muthu, musi Murwa muthu a tshi dzumbululwa." Musi nzumbululo i tshi khou dibvisela khagala, mađuvhani ane shango la vha li tshi do nga Sodoma, na hu do vha mini? Mvumbo ya ayo Mañwalo a tshi khunyeledzwa. Mudzimu A tshi khou dijatalusa nga mvumbo Yawe, mvumbo ye A dzulela u vha yone. A nga si ḥutshele hezwo.

¹²⁶ Mađuvhani a u fhedzisela, O dijatalusa nga kha Murwa Wawe. Dzhielani nzhele nga ndila ine Mudzimu a ita hezwi tshifhinga tshothe kha—samusi A al-... Ha shandukisi ndila Dzawe.

¹²⁷ Havha vhanna vhararu vha amba na Abrahamu, samusi ro vha ri tshi khou amba heneffo, nga mađuvha a Sodoma.

¹²⁸ Abraham o vha a munna we a tenda Mudzimu. O dzhia Mudzimu kha pfulufhedziso Yawe. Sara, mufumakadzi wawe, o vha a na miñwaha ya furathiñhanu nga vhukale, Abrahamu o vha a na fusumbethanu, musi Mudzimu a tshi mu vhidza. O ri vho vha vha tshi khou ya u vha na—na ñwana; Abrahamu u do vha na ñwana nga Sara. Zwi nga di pfala sa tshipengo nyana, fhedzi ndi humbula na zwothe zwi—zwibuthisi na dziphini, na tshiñwe na tshiñwe, tsho luga, ngauri vha khou ya u vha na hoyu ñwana.

¹²⁹ Nga murahu ha mađuvha a fumimalo a u thoma, mulandu, Abrahamu a nga di vha o ri kha Sara, "Ni dipfa hani, mufuñwa?"

"A hu na phambano."

"Vhugala kha Mudzimu, ri khou ya u vha nalwo, naho zwo ralo."

"Naa ni zwi divha hani?"

"Mudzimu o amba nga u ralo."

Nwaha wa fhira. "Naa ni dipfa hani, mufuñwa?"

"A hu na phambano."

"Ri khou ya u vha nalwo, naho zwo ralo. Mudzimu o amba nga u ralo."

Minwaha miñanu ya fhira. "Naa ni dipfa hani zwino, mufuñwa?"

"A hu na phambano."

"Ri khou ya u vha nalwo, naho zwo ralo. Mudzimu o amba nga u ralo."

¹³⁰ Naa ndi mini? O vha a na pfulufhedziso ya Mudzimu. O tenda Mudzimu, huno a difara sa Mudzimu: o farelela kha Ipfi lo fulufhedziswaho. Lo...

¹³¹ Miňwaha ya fumbilithanu ya fhira. Zwibuthisi zwo vha zwo no di vha tshitopana, fhédzi a vha a kha di zwi londota. Zwino o kalaha, o no hovhama, huno u kha tshivhumbeo tshi si tshavhudí; huno mbumbelo ya Sara i tshi tou fana na musi yo fa, huno kha wa munna hu si tshe na mbeu. Huno ndi nyimele ye vha vha vhe khayo!

¹³² “Naa ni dipfa hani, Abrahamu, khotsi a dzitshaka?” khonani dzawe dza vhatendi vha dudelaho vho vha vha tshi do amba hezwo khae.

¹³³ “Zwo ralo, vhugala kha Mudzimu, ndi dipfa ndi wavhuđi. Ri khou ya u vha na uyo iwanana, naho zwo ralo.” Ngauri ha ngo dedeleka kha pfulufhedziso dza Mudzimu nga u sa tenda; fhedzi o vha o khwađha, a tshi nea thendo kha Mudzimu, o vha o kholwa zwavhukuma uri zwine Mudzimu a amba, Mudzimu u a kona u ita. Amen. Kheyó mvumbo ya mutendi.

¹³⁴ Mini-ha nga ha inwi? Ni a vhona? Mini-ha nga ha riňe, vhana vha Abrahamu? Naa ri a ćaluswa na Ipfi la Mudzimu, sa pfulufhedziso, huno mvumbo yashu ya ri ćalsa, uri nga ngoho ri a Zwi tenda? Kana, na ri sokou vha na tshiangatela, ri bva *afha*, ra ya *phaļa*, na phasi *hafha*, ra humbulela, ra vha na tshiangatela u mona, nga Hazwo? Zwenezwo, a ri Vhakriste, ri tou vha vha muhoyo kha u tenda.

¹³⁵ Fhedzi, musi ri tshi ima zwi hone kha iyo pfulufhedziso, ra kanda heneffo nahone ra dzula Nazwo! Abrahamu o ita.

¹³⁶ Zwino ri wanulusa uri, liňwe duvha o vhona vhanna vhararu vha tshi da, vha tshi khou tshimbila. Bivhili i amba hafha, “Ho vha hu nga masiari tshivhangalala,” hu nga di vha ho vha hu masiari. Ha vha vhanna vha da n̄ha huno vho vha vha tshi khou amba nae. Ri pfectsa uri vhavhili vha avho vho tsa phasi Sodoma. Ndi a tenda ro amba nga hazwo vhuřwe vhusiku. Muthihíhí wavho a dzula nae.

¹³⁷ Lavhelesani hoyu Munna we a mu vhidza . . . we a dzula nae, zwe Munna a ita. Muňwe o ćaluswa nga mvumbo Yawe, uri O vha a Elohim.

¹³⁸ Elohim, ipfi la u thoma Bivhilini, “U rangani Mudzimu . . .” Zwino, muňwe wa vhoiñwi zwikola ni a diyha uri ipfi *Mudzimu* heneffo li amba, nga Tshiheberu, ndi “Elohim,” zwine zwa amba, “wa Maanda, ene mudala hothe, ene a tshilaho e ethe,” ha ćodi thuso kha muňwe muthu, ha ćodi ćhalutshedzo ya muthu; U ita Yawe. Ndi ene Mudzimu mudala hothe, a re hothe, a ćivhaho swothe, a konaho swothe. Ndi Mudzimu.

¹³⁹ Heneffo Khoyo. Huno Abrahamu zwino, hoyu khotsi wa lushaka we a vha a na u farelela kha Ipfi, a sedza kha hoyu Muthu. Huno musi uyu Muthu a na mučana Wawe wo furalela dennde, A ri, “U gai mufumakadzi wau, Sara?”

A ri, “U denndeni, murahu Hau.”

¹⁴⁰ A ri, “Ndi khou ya u u dalela u ya nga tshifhinga tsha vhutshilo, huno u do vha na hoyu nwana we Nda u fulufhedzisa.”

¹⁴¹ Huno Sara a sea nga hazwo. Huno Uyo we a vha a tshi khou amba nae, a mu vhudza zwe Sara a amba denndeni, murahu Hawe.

¹⁴² Zwino, kha Genesi, ni do vhalo hezwo. Ri wanulusa zwenezwo, Abrahamu, nga murahu ha musi hoyu Munna o no Ditalusa . . .

¹⁴³ Naa ho vha hu mini? Vhaheberu, ndima ya vhu⁴, ndimana ya vhu¹², i ri, “Ipfi la Mudzimu li a tshea, u fhira na bangla mutsheahothe, muṭalukanyi wa mihibulo na zwine mbilu ya fhima.”

¹⁴⁴ O zwi ḋivha uri hoyu o vha a Munna. O zwi ḋivha uri ho vha hu si na muporofita shangoni fhedzi ene, huno zwenezwo-ha Ipfi la Murena lo vha lo da khae. Huno o vha a muporofita, huno hafha Ipfi li da kha vhaporofita.

¹⁴⁵ Tshithu tshithihi na Yohane Mulovhedzi. Ho vha hu si na muporofita lwa miñwaha ya mađana maña. Ndi elelwa . . .

¹⁴⁶ Khamusi Dokotela Davis wa kale o dzula hafha, madekwana a ñamusi, Mufunziruñwa wa Baphuthisi wa kale wa mureri we a ndovhedza kha Lutendo. O vha a tshi anzela u ṭaṭa na nne. O ri, “Billy, ni kha di tou vha nwana zwino. Ni tea u nthetshelesa.”

Nda ri, “Zwo luga, Mukomana Davis, ndi khou thetshelesa.”

¹⁴⁷ A ri, “Ni a vhona, Yohane ha ngo lovhedzwa. Ngauralo o vha a tshi khou lovhedza, fhedzi ene ha ngo lovhedzwa; a hu na we a vha o fanelwa nga u mu lovhedza.” Iyo ndi theologi yavhuđi ya Baphuthisi. “Huno hafha hu da Yesu, huno a ri zwenezwo . . . Yohane u ri, ‘Ndi fanela u lovhedzwa nga Iwe; ndi ngani U tshi da kha nne?’ Huno A ri, ‘Zwi litshe zwi vhe nga u ralo.’” A ri, “Huno musi o ‘no zwi ita nga u ralo’ Khae,” a ri, “inwi ni a vhona, zwenezwo Yesu a tshi lovhedza Yohane. Huno musi A tshi bvela nnđa ha madi, zwenezwo maṭadulu a vulea huno A vhona Mudzimu kha tshivhumbeo tsha liivha, li tshi tsa nahone li tshi ya Khae, a ri, ‘Hoyu ndi Murwa Wanga, Ane Nda takalela u dzula ngomu.’” Fhedzi, hai, hu si u sa tendelana na Dokotela Davis, fhedzi o vha a tshi khou khakha.

¹⁴⁸ Ni a vhona, Yohane o vha a muporofita, huno Ipfi tshifhinga tshothe li da kha muporofita. Ngauralo arali Ipfi lo itwa ñama, Lo do tea u da kha muporofita, naho zwo ralo; ngauri, o vha a tshi khou ṭanziela Ipfi, huno mvumbo yawe yeneyo i mu ṭalusa hezwo. Hafha hu da Ipfi, zwino hu bvelela mini? Nga u ṭavhanya a tshi ya kha tshifhañuwo tsha Yesu, Yohane o ri, “Ndi nne a no tea u lovhedzwa nga Iwe; ndi ngani U tshi da kha nne?”

¹⁴⁹ Yesu a ri, “Zwi tendele zwi vhe ngauralo, ngauri zwi khou vha kha riñe (zwi a ri vhofha) u khunyeledza u luga hothe.” Yohane a muporofita; Ene a Ipfi. O vha a Tshiñhavhelo, huno

O vha a tshi khou lugela u dzhena kha mushumo Wawe wa liphasi, huno Tshīthavhelo tsho do tea u ḥanzwiwa tshi sa athu netshedzwa. Huno Yohane a Mu lovhedza, ngauri o zwi ḥivha. “Zwi tendele zwi vhe nga u ralo, ngauri zwo vha kha riñe u khunyeledza u luga hoṭhe.” Tshīthavhelo tsho do tea u ḥanzwiwa tshi sa athu netshedzwa, huno ngauralo Yohane a Mu lovhedza. Ho vha hu si Yesu a tshi lovhedza Yohane. Yohane o lovhedza Yesu. “Zwi tendele zwi vhe nga u ralo.”

¹⁵⁰ Dzhielani nzhele, hafha ho vha hu Abrahamu, huno o vha a na Ipfi la Murena. Ipfi la Murena lo da khae. O vha a muporofita. Huno hafha hu da Ipfi. O mu vhidza, “Abrahamu,” hu si Abram.

¹⁵¹ Mađuvha a si gathi nga murahu ha hezwo, dzina lawe lo vha li Abram—lo vha li Abram, zwino ndi Abrahamu. Mufumakadzi wawe o vha a Sari, zwino ndi “Sarah,” hu si S-a-r-a [Tshiisimane S-a-r-r-a]; S-a-r-a-h. Hu si (A-b-r-a-h-a-m) A-b-r-a-m, fhedzi A-b-r-a-h-a-m, Abraham.

¹⁵² Huno hoyu Munna O diṭalusa, musi A tshi ri, “Abraham!” Yawee, nne nne!

Abraham a ri, “Elohim!”

¹⁵³ Khelo Ipfi na muporofita, vhoṭhe, mvumbo dzoṭhe dzo ṭaluswa.

¹⁵⁴ Elohim, A ri, “U ngafhi musadzi wau, Sarah?”

¹⁵⁵ A ri, “U denndeni, murahu Hau.” Huno... Zwenezwo mađembe o itwa. Elohim! Abraham o Mu vhidza, “muđala hoṭhe, Wamaanda, Mudzimu a konaho zwoṭhe.”

¹⁵⁶ Yesu o ri, musi O vha a kha liphasi, O ita zwithihi zwe Elohim a ita. Izwo zwi ṭalusa mvumbo Ÿawe u vha Mudzimu.

¹⁵⁷ Huno A ri, phanda, “Mađuvhani a u fhedzisela, nga u tou da ha Murwa muthu, musi A tshi dzumbululwa, heyi nzudzanyo i do itea hafhu, vhunga zwo vha zwo ralo Sodoma.” Elohim vhukati ha vhathu Vhawe, Mudzimu wa Maanđa! Ndi zwine Mañwalo a amba. Elohim vhukati ha vhathu!

¹⁵⁸ Lwa miňwaha ya fuiňa O vha a tshi khou ri lovhedza nga Muya Mukhethwa, Elohim, Mudzimu! Na tshivhidzo... .

¹⁵⁹ Lavhelesani, Abrahamu o vhona tshiga tshithihi, iňwe mbidzo; tshiga, mbidzo; mbidzo, tshiga; o lindela uyo murwa o fulufhedziswaho. Fhedzi tshiga tsha u fhedzisela tshe a tshi vhona, u vhonala ha u fhedza, u dalelwa ha u fhedza nga Mudzimu phanda ha musi murwa o fulufhedziswaho a tshi bvelela vhuponi, ho vha hu Elohim a ḥamani ya muthu. Zwenezwo murwa o fulufhedziswaho a da.

¹⁶⁰ Huno Mbeu ya Abrahamu yo lindela Murwa o fulufhedziswaho, Yesu Kristo. Huno vho no vhona zwiga, u shelwa ha Muya Mukhethwa, u amba nga dzindimi, phodzo ya Muya, na zwiňwe-vho. Fhedzi musi Murwa muthu a tshi

dzumbululwa, Elohim u do humela murahu kha Mbeu ya vhukololo ya Abrahamu nañone a sumbedza tshenetsho tshithu tshithihi tshe A sumbedza nga iło ḫuvha, amen, Elohim, vhunga zwe vha zwe ralo! Ndi ngani? Zwi do vha mvumbo ya Mudzimu.

¹⁶¹ Zwino, arali Kristo o vha a Mudzimu, “Zwo ralo hu si kale shango a li tsha Mmbona; fhedzi inwi ni do Mmbona, ngauri ndi do vha na vhoiñwi, na kha vhoiñwi, u swika kha magumo, vhufhelo. Mishumo ine nda ita na vhoiñwi-vho ni do ita-vho.”

¹⁶² Yesu o amba hezwo kha—kha Luka, ndima ya vhu¹⁷. Zwo luga, musi ri tshi tenda huno ra vthona haya mađuvha a u fhedzisela, heyi dzudzanyo ndi ya u dovhololwa hafhu.

¹⁶³ Ngauralo-ha, Vhaheberu 1:1, “Mudzimu, nga zwifhinga zwa kale nga vhaporofita o Ditalusa, nga aya mađuvha o ḫalusa mvuwo ya Murwa Wawe u bva vhafuni,” nga u nea Tshivhidzo mvumbo nthihi ye A vha nayo, a tshi ita Vhaheberu 13:8 i vhe kokotolo yone.

¹⁶⁴ A hu na mathenga ane a nga dzhuvhulwa kha hezwo. Ayo ndi mathenga a goni. A dzula o farelala, ngauri ndi tshinoni tsha ṫadulu. [A hu na tshithu kha theiphi—Mudz.] . . . vha vha kanzwa nga zwiliwa zwa goni.

¹⁶⁵ Zwino ri dzhiela nzhele uri, “Nga zwifhinga zwa kale, mikhwa yo fhambananaho, O amba na vhokhotsi nga kha vhaporofita, nga mađuvha a u fhedzisela nga kha Murwa Wawe Yesu Kristo, nga u Mu vusa vhafuni.” Huno hafha U vhukati hashu, nga murahu ha miñwaha ya zwigidi zwivhili, Yesu onoyo muthihi, hu si muñwe wa vhaporofita; Yesu, haleļuya, Murwa wa Mudzimu o vuswaho!

¹⁶⁶ Yesu o ri, liñwe ḫuvha, O ri, “Murafho muvhi wa vhupombwe u ṫoda u vthona tshiga, huno vha do tshi wana tshiga.” Murafho muvhi wa vhupombwe. Naa shango ndi lini he la vhe sa livhi, kana la vhupombwesa na vhuadresa, u fhira zwino?

¹⁶⁷ “Vhunga zwe ralo mađuvhani a Yona, vhunga Yona o vha a thumbuni ya khovhe lwa mađuvha mararu na vhusiku hao, ngauralo Murwa wa muthu u fanela u vha kha mbilu ya lifhasi mađuvha mararu na vhusiku hao.”

¹⁶⁸ Zwenezwo, “murafho muvhi na wa vhupombwe” wo vha u tshi tea u ṫanganedza tshiga. Naa tsho vha tshi tshiga-de? Tshiga tsha mvuwo. Huno ri natsho ñamusi, nga murahu ha miñwaha ya zwigidi zwivhili, U kha di tshila. U vhukati hashu, madekwana a ñamusi, a sa shanduki mulovha, ñamusi, na lini na lini, a tshi khou Ditalusa nga mvumbo ya Mudzimu, a tshi khou vhonadza Ipfi nga lino ḫuvha le A li fulufhedzisa u ita. Amen.

¹⁶⁹ Khelo Ipfi. Zwino naa ni do tenda tshiga, ndi tshithu tshi tevhelaho, mađuvhani a u fhedzisela, ḫhaluso Yawe nga Murwa Wawe? Dzhielani nzhele.

¹⁷⁰ Mudzimu o amba na Mushe nga zwifhinga zwa kale. Kha Dotoronomi 18:15, a ri, “Mudzimu Murena wau u do vusa Muporofita a no fana na nne.” Zwino lavhelesani. Ilo ndi Ipfi. Ilo ndi Ipfi. Uyo o vha a Mudzimu. Uyo o vha a si Mushe. Naa Mushe o vha a tshi nga diyha hani izwo? O vha a muthu. Fhedzi Mudzimu, a tshi khou amba nga kha Mushe, o amba hezwi. Naa ni a tenda izwo? Zwo luga.

¹⁷¹ Zwino dzhielani nzhele Yesu, lavhelesani nga ndila ine Yawe—Yawe mvumbo ya ṭalusa heli Ipfi lo fulufhedziswaho u vha ngoho. O ita zwavhukuma. O ṭaluswa nga heyi mvumbo ye Mushe a ri U do vha yone.

¹⁷² Vhanzhi vhavho, u nga ḥamusi, vha ḥoda u vhona muñwe murangaphanda muhulwané. “Oo, hoyu ndi Dokotela Ph. Mukenenene. Ú bva ngei Gudedzini la Hartford.” Kana, “U bva kha tshinwe tshithu tshihulwane huiñwe fhethu nga u ralo.” Iyo a si ḥaluso ya Mudzimu. Hai, hai. A si tshithu nga hazwo. Ipfi ndi ḥone li ḥalusaho Mudzimu. Ni a vhona?

¹⁷³ Yesu o vha a si tshikola, kana O vha a tshifhe, kana O vha a mufunzi, kha shango. O vha a ḥiñwarahwara, kha shango.

¹⁷⁴ Fhedzi Mudzimu o vha a tshi khou khwañhisedza Ipfi Lawe nga Khae, zwe zwa Mu ita Emmanuel. Iyo yo vha i ḥaluso Yawe. Zwino, hafha, Yesu a tshi swikelela kokotolo zwe Mudzimu nga tshifhinga tsha kale a ri U do ita, nga kha Mushe, zwine A do ita.

¹⁷⁵ Zwino lavhelesani musi A tshi ṭangana na Petro, vhu nga ro zwi ita litambwa vhuniwe vhusiku, musi A tshi ṭangana na Petro huno a vhudza Petro zwe dzina Lawe la vha li zwone. Hetshi tshiga tsho ḥalusa mbilo Dzawe dza u vha Messia, kha Petro, ngauri Ipfi lo ri, “Murena Mudzimu wañu u do vusa Muporofita.”

¹⁷⁶ Huno Petro a da, we a vha e Simoni nga hetsho tshifhinga, a da nthia he A vha e hone. Huno Yesu a mu sedza a ri, “Dzina lau ndi Simoni, nahone u murwa wa Yonasi.” Izwo zwo ḥalusa mvumbo ya Kristo u vha ilo Ipfi le Mushe a fulufhedzisa. Petro o limuwa uri itscho tshiga tsho ḥalusa Yesu sa Messia. “Mudzimu o vha a kha Kristo,” ndodzo ya mađuvha a u fhedzisela. Kha Nathaniele... Elelwani, O vhudza Simoni dzina lawe.

¹⁷⁷ Zwino, lavhelesani, kha Nathaniele O amba zwe a ita. “Wo vha u fhasi ha Muri musi ndi tshi u vhona.” Izwo zwo Mu ḥalusa sa Messia.

¹⁷⁸ A ri, “U Murwa wa Mudzimu. U Khosi ya Israele.” O vha o ḥaluswa nga mvumbo ya Ipfi lo fulufhedziswaho uri O vha a tshi tea u vha Messia. “Murena Mudzimu wañu u do vusa Muporofita.”

¹⁷⁹ Musadzi muñku tshisimani, O mu vhudza zwe a vha e zwone, huno izwo zwo Mu ḥalusa sa hoyu Messia o fulufhedziswaho. Ni a vhona?

¹⁸⁰ Mvumbo Yawe, mvumbo Dzawe, ho vha hu Ipfi lo ḥaluswa. Ho vha hu mvumbo Dzawe dze dza vha dzi tshi khou sumbedza uri Ipfi lo vha li Mudzimu, nga u ralo ho vha hu Mudzimu a tshi khou ḥaluswa kha Kristo. Zwino lavhelesani. Dzhielani nzhele.

¹⁸¹ Kha Petro, O ḥaluswa kha Petro nga u vhidza dzina lawe. O ḥaluswa kha Nathaniele nga u mu vhudza zwe a ita. O ḥaluswa nga musadzi, nga u mu vhudza zwe a vha e zwone. Zwe a... zwe a *vha* e zwone; zwe a ita; na zwe a *vha* e zwone. O ḥaluswa mvumbo Yawe ya u vha Messia, ye ya vha i tshi tea u vha mvumbo ya Messia.

¹⁸² Lavhelesani kha musadzi mutuku a tshi amba tshithu tshithihi. “Muṇe wanga, ndi a vhona uri U muporofita. A ri athu vha na muporofita lwa miṇwaha ya mađana. Ro vha na zwivhidzo zwinzhi, na u ḫala ha dzikhani na phambano dza dinomineisheni, fhedzi a ri athu vha na muporofita lwa miṇwaha ya mađana. Ri a zwi ḫivha uri musi Messia a tshi ḫa, hezwi ndi zwine zwa do Mu ḥalusa.”

¹⁸³ A ri, “Ndi nṇe Ene, ane a amba na iwe.” A hu na tshi sa pfali nga hazwo, “Ndi nṇe Ene.” Izwo zwe Mu ḥalusa.

¹⁸⁴ Musadzi a na thaidzo ya malofha, o ḥalusa Ene Ipfi. Hani? Nga zwe A ita musi lutendo lwawe lu tshi Mu kwama. O rembuluwa huno a ri, “Naa ndi nnyi O Nkwamaho?” O zwi ḫivha uri tshiṇwe tshithu tsho bvelela. Tshe tsha ḥalusa Yesu sa Messia.

¹⁸⁵ O zwi tenda, huno a ri, “Arali nda nga kwama lupendelo lwa nguvho Yawe, ndi ḫo fhodzwa.”

¹⁸⁶ Ngauralo nga u ḫavhanya musi a tshi kwama, A rembuluwa, a ri, “Zwino ndi nnyi o Nkwamaho?” Huno vhoṭhe vha zwi landula. Fhedzi mvumbo Yawe ya Messia...

¹⁸⁷ Amen! Ndi a kholwa ni a vhona hezwo, tshivhidzo. Thetshelesani, samusi ri tshi khou vala.

¹⁸⁸ Henefho a Mu kwama. Ho vha hu na vha mađana, khamusi, vha tshi khou lingedza u Mu kwama. Petro a vhuya a Mu kaidza, a ri, “Zwo ralo, vhoṭhe vha khou kwama Iwe.”

¹⁸⁹ A ri, “Ee, fhedzi hu na muṇwe muthu o Nkwamaho nga ndila yo fhambanaho.” Ndi yone phambano, ye lutendo lwa kwama. Ni a vhona? A ri, “Muṇwe muthu O Nkwama. Ho vha hu u kwama ho fhambanaho. Ndo fhelelwa nga nungo. Nungo dzo bva kha Nṇe. Nungo dzo bva kha Nṇe.” Zwino, henefho U a ima.

¹⁹⁰ Zwino, na vhafunziwa Vhawe Ene vha tshi ri, nga maṇwe maipfi, “U pfala—u pfala u nga muthu Ane a khou balelwa kha mushumo wawe. Mulandu, vhathu, muṇwe na muṇwe u khou kwama Iwe.”

¹⁹¹ Lavhelesani Yawe, lavhelesani ḫalusso Yawe zwino. O rembuluwa, a sedza nga kha gogo. A mu wanulusa vhukati hanefho. O vha a nga si tsha ḫidzumba na khathihi. A mu vhudza nga ha nyimele yawe, hu a ri, “Lutendo lwawe lwo mu fhodza.”

¹⁹² O zwi ḥivha, nga hezwi, uri, Vhaheberu 4:12, “Ipfi li ṭalukanya mihumbulo, zwine mbilu ya fhima.” Mvumbo Yawe yo Mu ṭalusa u vha “Ipfi la Mudzimu lo itwa ḥama nahone li tshi dzula vhukati hashu.” Amen.

¹⁹³ Ndi elekanya uri tshi fanaho na tshenetsho madekwana a ḥamusi tshi a Mu ṭalusa, Yesu Kristo o vuswaho a tshi khou tshila vhukati hashu madekwana a ḥamusi, a sa shanduki mulovha, ḥamusi, na lini na lini. Zwino, sa Vhaheberu 13:8 i ngoho, mvumbo Yawe i do Mu ṭalusa ḥamusi, samusi yo ita ngei murahu, nga mukhwa muṭhihi.

¹⁹⁴ Sedzani kha Cleopas na vhar̄we, nga murahu ha mvuwo. Yesu O ḫitalusa nga ndila ye A ḫwata itsho tshinnkwa, uri O zwi ita nga ndila ye A zwi ita ngayo phanda ha musi A tshi vhambiwa. Huno vha . . . Izwo zwo ṭalusa mvumbo Yawe, ngauri ndi nga ndila ye A zwi ita.

¹⁹⁵ Zwino arali O vha a hafha madekwana a ḥamusi, naa O vha a tshi do ḫitalusa hani? U tou nga zwe A ita mulovha, ngauri Ha shanduki ḥamusi, nahone u do ralo lini na lini. Ndi thaluso. Vhaheberu 4, n̄a—14 na 15, “Ndi ene zwino . . .” I ri, “Ndi ene Tshifhe Muhulu washu ane a nga kwamiwa nga zwipfi zwa u shaya nungo hashu.” Ndi Tshifhe Muhulu washu zwino. Nga murahu ha mvuwo Yawe, nga murahu ha Lufu lwawe, nga murahu ha mbulungo Yawe, nga murahu ha mvuwo Yawe, nga murahu ha u takulelwa nthā Hawe, amen, U kha di vha a sa shanduki mulovha, ḥamusi, na lini na lini, Tshifhe Muhulu ane a nga kwamiwa nga zwipfi zwa u shaya nungo zwashu. Amen. U hezwo, zwino, kha munna na musadzi muriwe na muriwe hafha ane a do zwi tenda. Ndi ene Tshifhe Muhulu washu, a sa shanduki mulovha, ḥamusi, na lini na lini.

¹⁹⁶ U tshila tshoṭhe. Naa ni a tenda izwo? [Tshivhidzo tshi ri, “Amene.”—Mudz.] Mvumbo Yawe i bvela phanda lu sa fhidzi u Mu ṭalusa nga ndila i fanaho na zwe a vha e zwone musi O vha A khou tshila kha lifhasi. U kha di tshila hafha, madekwana a ḥamusi, nga tshivhumbeo tsha Muya Mukhethwa. U tshila tshoṭhe. Huno mvumbo Yawe i ya Mu tevhela, vhunga yo dzulela u ita nga u ralo, arali A tshi kha di tshila.

¹⁹⁷ Ndi a livhuwa, madekwana a ḥamusi, u ri, “Mudzimu, nga zwifhinga zwa kale na mikhwa yo fhambananaho o amba na vhokhotsi nga kha vhaporofita, nga kha aya mađuvha a u fhedzisela nga kha Murwa Wawe Yesu Kristo.”

¹⁹⁸ Nne nne, a thi ngo zwi limuwa uri ndo amba itsho tshifhinga tshilapfu. Ndo hangwa nga hazwo u vha nga u ralo. Ndi humbela pfarelo. Ndi do mbo . . . ndi do ima.

Kha ri rabele.

¹⁹⁹ Khotsi wa Tađulu, Mudzimu muhulu wa khathutshelo! Murena, ndo—ndo . . . khamusi ndo ambesa tshifhinga tshilapfu. Ndi a rabela, Mudzimu, arali ndo ralo, U nkhangwele. Fhedzi,

Murena, ndi nga si humbele pfarelo kha zwe nda amba. Ndo tou amba zwe Wa amba kha Ipfi Łau hafha.

²⁰⁰ Zwino ipfi kana mavhili u bva kha Iwe, Murena, khamusi muñwe na muñwe u do zwi vhona madekwana a ńamusi. Vhałuku, vhathu vha lwalaho vha do fhodzwa musi vha tshi vhona uri U kha ɖi vha Tshifhe Muñulu washu. Ndi a rabela, Murena, kha heyi minete i si gathi i tevhelaho, uri U do ita hoyu Mulaedza u tshire hafhu kha zwavhukuma. Kha zwe nda amba nga Ipfi, ngavhe mvumbo Yau i tshi ṭalusa Iwe vhukati hashu, madekwana a ńamusi, uri U a sa shanduki mulovha, ńamusi, na lini na lini, ngauri ndi nga Dzina la Yesu ri a zwi humbelā. Amen.

²⁰¹ Lwa tshikhathinyana zwino. Ri, ndo—ndo tou lenga nyana zwiłuku, fhedzi naa nothe ni nga kona u lindela lwa tshifhinganyana u vha na muduba wa thabelo mułuku lwa minete ya fumithanu, fumbili? Arali ni tshi nga kona, imisani tshanda tshanu, ni ri, “Ri . . .” Zwo luga, ndo—ndo livhuwa. Ndo fulufhedzisa u ni bvisa nga awara ya hafu u bva kha tahe. Ndi itszo tshifhinga zwino; ndi minete ya fumi u ya kha. Ngauralo arali na tou ńea minete ya fumi, ndi do ńavhanya nga maanda.

²⁰² Kha ri vhone, naa ndi garaṭa-de dza thabelo dze vha bvisa ńamusi? [Mukomana u ri, “O.”—Mudz.] O? Mini, naa ro thoma gai vhuriwe vhusiku, ya u thoma, u thoma? [“Ndi humbula u ri ho vha hu kha ya u thoma.”] Ee, uh-huh.

²⁰³ Huno zwenezwo ro, madekwe, ro tou . . . Muya Mukhethwa . . . Ndo vha ndi tshi khou thetshelesa ńamusi, huno ndi tshi dovhola zwe zwa ambiwa. Mañwe a madzina a tshi Fura, ndo vha . . . Muya Mukhethwa; ndila i yothe ine nda nga zwi ita, ndi tou lindela nda vhona.

²⁰⁴ Ni a vhona, tshiñwe tshifhinga musi ni tshi vhona bono, li tea u dzhiwa la ṭalutshedzwa. Li a talutshedzwa. Bono, u nga ni do—ni do vhona ngu—nngu, izwo zwi nga amba wułu. Ni a vhona, ni tea u vha ṭhalutshedzo yazwo, ni a vhona, huno na shandukisa heło bono u mona na li ṭalutshedza.

²⁰⁵ Huno ndo dzhiela nzhele madekwe, ndi—ndi nga si kone u bula ayo madzina a tshi Fura, ndi tea u a peleṭa.

²⁰⁶ Ngei Afrika u mona na izwo zwi Hottentots na vhahedeni, na zwithu, zwi do tea U peleṭa dzina łavho nnđa, u vha vhudza vhane vha vha vhone, u a peleṭa nnđa kha luambo lwavho. Vha, vha do divha zwine a amba zwone, nga u ńavhanya musi ni tshi peleṭa. Fhedzi, ni a vhona, fhedzi U ɖivha nyambo dzothe. Ndi ene Mudzimu wa U Ya Nga Hu Sa Fheli.

²⁰⁷ Kha ri thome madekwana a ńamusi u bva kha, kha ri ri, ya fusumbetħanu, u ya kha dana, kha O. Ndi O, naa ndi zwe a amba? Ndi . . . [Mukomana u ri, “Ee. O.”—Mudz.] O, O. Ee. Zwo luga. Naa ndi nnyi a na garaṭa ya thabelo ya fusumbetħanu, kha ri i vhone? Kha O, garaṭa ya thabelo O, fusumbetħanu, imisani tshanda tshanu, onoyo ane a vha nayo. O. Zwo luga.

Idani nga *hafha*. Fusumbethanu, fumalo, fumalothanu, fuṭahe, fuṭahethanu, ḫana, idani nga *heyi* ndila arali ni tshi nga kona. Zwo luga, ndi, tevhekanani nga hafha, nga u ṭavhanya, ngauri a ri nga vhi na tshifhinga. Ndi khou ya u themba uri ni nga zwi ita.

²⁰⁸ Sedzani kha garaṭa ya thabelo yaṇu. Sedzani kha garaṭa ya thabelo ya muhura waṇu. Ndi no... Huno arali muñwe muthu o holefhala, vha diseni ngeno ntha kha muduba wa thabelo. Arali vha na O, u tou vha O, fusumbe-...

²⁰⁹ Fusumbethanu u swika kha ḫana, itani muduba nga *hafha*, arali ni tshi do ralo. Huñwe na huñwe hune na vha hone, kha dzi bałikhoni, na huñwe-vho, idani ngeno fhasi, huno ni de kha muduba nga u ṭavhanya nga hune ni nga kona, arali ni tshi nga ralo, u vhulunga tshifhinga.

²¹⁰ Zwino vhoinwi vhañwe noṭhe hafha, vhanne na sa vhe na garaṭa ya thabelo, naa ni nga imisa zwāṇa zwaṇu huno na ri, “A thi na garaṭa ya thabelo, Mukomana Branham, fhedzi ndi a tenda”? Imisani zwāṇa zwaṇu.

²¹¹ Zwino elelwani, ndi khou ya u amba na vhoinwi nga ha Tshifhe Muhulu. “Ndi ene Tshifhe Muhulu ane a nga kwamiwa nga zwipfi zwa u shaya nungo hashu.” Ndi ene *Yehoha-Jireh*, “Murena o nekedza tshithavhelo.” Ndi ene *Yehova-Rapha*, “Murena u fhodza malwadze au oṭhe.” Naa ni a tenda izwo? [Tshivhidzo tshi ri, “Amene.”—Mudz.] Ndi ene *Yehova-Manasseh*. *Tshīṭhavhane*, tshone *tshipilela khana*, *mulalo washu*, O dzika. Zwo ralo, naa ndi vha ngana vha no tenda uri ayo madzina oṭhe a ndamulelo a Yehova o khunyelela kha Yesu? [“Amene.”] Ngoho, O do tea u vha nga u ralo. Arali A—arali A... Mulandu, ha fhambanyisei, ngauralo O do tea u vha one oṭhe. Huno arali A tshi kha di vha Yehova-Jireh, U kha divha Yehova-Rapha. Arali a Yehova-Jireh... U *Yehova-Jireh*, ndi “Murena o nekedza tshīṭhavhelo u itela tshidzo,” zwenezwo U *Yehova-Rapha* uri “u fhodza malwadze ashu oṭhe.” Amene. Phodzo i nga da fhedzi nga Mudzimu.

²¹² Zwo luga, musi vhathu vha tshi khou ita muduba; a tho ngo vha na tshifhinga tsha u vhona uri ndi vho nnyi na zwine vha vha zwone. Fhedzi zwino, vhoṭhe nn̄da henefho vhanne vha zwi divha uri a thi ni divhi, imisani tshanda tshanu, ni ri, “Ndi na ḥodeya ya Mudzimu. Fhedzi a ni nn̄divhi, Mukomana Branham, fhedzi ndi na ḥodeya ya Mudzimu. Ndi khou tou ya u imisa tshanda tshanga.”

²¹³ Zwino arali na nga tou dzulisea lwa minete i si gathi, lavhelesani, ivhani na vhulondo, fhumulani. Zwino a thi ambi, musi ndi tshi ri, “fhumulani,”... Arali Murena a ita tshiñwe tshithu, ni do ḥoda u renda Murena; uho ndi u losha. Fhedzi zwine nda amba, “u sokou gidima u mona, u takukana,” inwi ni a divha, zwo bva nn̄da ha tshanda. Ni a vhona? Huno Muya Mukhethwa a u lengi u fhela mbilu, a u lengi u fhela mbilu. Ni a vhona?

Tshinwe tshithu tsha u ralo, u tou ntutshela, huno ndi tea u lwa zwenezwo, hafhu, ni a vhona. Fhedzi arali na nga thetshesela!

²¹⁴ Ni a elelwa pfulufhedziso Yawe ya u thoma? “Ita uri vhathu vha u tende, huno u vhe wa ngoho, a hu na tshire tsha do ima phanda ha thabelo.” Ni a elelwa izwo? [Tshivhidzo tshi ri, “Amene.”—Mudz.] Izwo ndi zwone. Huno ndi... A thi athu zwi vhona zwi tshi kundelwa, huno zwi nga si kundelwe. Ndi Mudzimu.

²¹⁵ Zwino ri do ḥavhanya na muduba wa thabelo, uri ri kone u wana vhanzhi nga ngomu nga hune ri nga kona, u ya nga vhathu. Fhedzi vhoiwi vhane na vha na garaṭa ya thabelo huno ni songo vhidzwa madekwana a ḥamus, faranī garaṭa yanu, ri khou ya u ni vhidza. Zwo luga.

²¹⁶ Zwino vhoiwi nn̄da hafho ni si na garaṭa ya thabelo, elelwani. Kana, vhoiwi nn̄da heneffo, kana n̄i na garaṭa ya thabelo kana hai, itanu tenda uri U tou nga Vhaheberu ndima ya vhu4 hafha. “Ndi ene Tshifhe Muhulu ane a nga kwamiwa nga zwipfi zwa u shaya nungo hashu.” Vhonani arali A tshi dzula... Vhonani arali Yehova O ḥiimelela vhukati ha vhathu Vhawe, vhunga O ita nga mađuvha a Sodoma. Zwo luga.

²¹⁷ Zwo luga, mune wanga. Zwino kha ri rabele, zwino, ivhami vho dzikaho vhukuma. Zwino elelwani, ipfi u bva kha Mudzimu li fhira zwine muñwe muthu a nga amba. Zwino, hoyu munna hafha, a—a thi mu ḥivhi. Huno ndi humbulela u... Ni mutsinda kha nñe, no ralo, mune wanga? [Mukomana u ri, “Ee.”—Mudz.] Ni mutsinda. Ri ḥivha tshithu tshithihi, uri rothe ri do ima Vhuhoneni ha Mudzimu linwe ḥuvha; sa vhathu, ri tea u ḥangana Henefho. Holwu ndi lwa u thoma ri tshi ḥangana.

²¹⁸ Zwino arali na da hafha, arali ni tshi khou lwala, a thi ḥivhi; zwi nga tshinwe tshithu, ni a vhona. Fhedzi arali nda—arali nda vheha zwanda kha inwi, nda ri, “Rendani Murena! Tshimbilani, ni fhole.” Izwo zwo luga. Ni nga tenda hezwo. Fhedzi mini arali A ni vhudza zwo khakheaho nga inwi? Zwino, ni a vhona, izwo zwo fhambana, zwenezwo ni a ḥivha uri izwo zwi ḥalusa mvumbo Yawe. Ni a vhona, iyo i nga si vhe mvumbo yanga. Ndi muthu; ndi nga si ḥivhe tshithu nga hae. Ndo tou mu vhudza, “A thi ni ḥivhi.” Ha ni ḥivhi. Fhedzi naa izwo zwi nga ita mini? Izwo zwi do ḥalusa mvumbo ya Yesu Kristo a sa shanduki mulovha, namusi, na lini na lini. Ndi tshi zwi ḥivha uri i nga si vhe nñe, i nga si vhe nñe, ngauri a thi ḥivhi hoyu muthu. Ndi do imisa tshanda tshanga; hafha ndi Ipfi. Ni a vhona? A thi mu ḥivhi. Na ene ha nn̄divhi. Fhedzi mvumbo ya Yesu Kristo...

²¹⁹ Arali Yesu o vha o ima hafha, huno ene, a tshi lwala, arali a tshi nga ri, “Murena Yesu, mphodze,” naa Yesu o vha a tshi do ri mini khae? “Ndo no di u fhodza.” Naa izwo ndi zwone? [Tshivhidzo tshi ri, “Amene.”—Mudz.]

²²⁰ “O rwelwa vhutshinyi hashu; nga ntho Dzawe ro fhodzwa.” Ndamulelo yothe ine ra nga vhuya ra vha nayo yo vuledzwa ngei Khalivari. U bva heneffo, ndi lutendo, u tenda mushumo wo vuledzeaho. Naa izwo ndi zwone? [Tshivhidzo tshi ri, “Amene.”—Mudz.] Zwo luga.

²²¹ Zwino, zwino arali Yesu a tshi khou tshila, huno ndo amba nga ha Ipfi Ławé... Heneffo khezwo, murahu kha u nyadzea na lutendo, ni tshi tenda Ipfi Ławé. Musi A tshi ḥangana na nne uvho vhusiku, O ri, “U doda hune wa do vuledzea uri u do divha na zwiphiri zwa mbilu dzavho. Vha nga si tende itsho tshiga tsha u thoma tsha tshanda, vha do tea u tenda hetshi.” Ni a vhona? “A vha iti hezwo, zwenezwo malofha a sema lifhasi.”

²²² Vhunga zwo itea nga tshifhinga tsha Mushe. A ri, “Arali vha sa tenda izwo zwiga zwivhili, zwenezwo shela malofha kha lifhasi,” ni a vhona, “shela mađi kha lifhasi, a do vha malofha.”

²²³ Zwino u tou wanulusa, arali ndi tshi nga tou kona u vhona uri thaidzo yañu ndi mini, izwo zwi do ni fusha huno zwa ni ita uri ni tende, a zwi nga ralo? [Mukomana u ri, “Ngoho.”—Mudz.] Ni a divha uri i do tea u vha mvumbo ya Muthu ane nda khou amba nga hae, Yesu Kristo.

²²⁴ Hoyu muthu, samusi ndo tou mu sedza, u humela murahu. O tsirwa. A hu na na tshithu tshine mushonga u nga vhuya wa thusa hoyu muthu. U kha nyimele ya u fa. Izwo ndi zwone. O vha na muaro, huno muaro wo vha u kha mulomo wa dundelo kha thannga ya tshinna. Huno ndi pfuko, huno pfuko yo phadalala u mona na inwi. Arali izwo zwi zwone, imisan tshanda tshanu. Mudzimu fhedzi a nga mu vhodza. [Mukomana u ri, “Haleļuya! Haleļuya! Haleļuya!”—Mudz.] Fhedzi, sedzani, ndi ṭoda u amba tshiňwe tshithu kha inwi, mune wanga. Uyo diabolo a nga di vha o kona u dzumbama kha lufhangha lwa dokotela, fhedzi a nga si dzumbame kha Mudzimu. Naa ni a tenda izwo? Naa ni a zwi tenda? [“Oo! Oo!”] Zwenezwo ndi a rabela, u ri, nga Dzina la Yesu Kristo, ngavhe tshithu tshi tshi mu ḫutshela, ngavhe munna a tshi tshila. A hu na; o tou fhelelwa nga nungo. Zwo luga.

²²⁵ Inwi na nne ri vhatsinda nga tshashu, munna na musadzi vha ya ḥangana. Zwino, sa muthu, a thi ni divhi. Huno khanwe, sa musadzi, na inwi a ni nnđivhi; u fhira u tou vhona dzina langa, kana tshifanyiso, kana tshiňwe tshithu tsha u ralo. Fhedzi a ri divhani. Iyo ndi mvumbo yashu. A ri divhelani dzimvumbo. Fhedzi mvumbo dla Kristo, Ndi ene Ipfi, huno Ipfi lo fulufhedziselwa lino duvha. No mpfa ndi tshi amba nga hazwo. Zwenezwo mvumbo Yawe i do Mu ḥalusa hafha. Hu si nne ndi tshi Mu ḥalusa. A thi ni divhi. Ni a pfectesa. Tshi—tshivhidzo tshashu tshi a pfectesa izwo? [Tshivhidzo tshi ri, “Amene.”—Mudz.] Ni a vhona? Ndi—ndi muthu. Ndi tou vha khaladzi anu.

²²⁶ Unga musadzi tshisimani, a amba tshiñwe tshithu tsho khakheaho, tshiñwe tshithu tsho khakhea nga inwi, kana tshire na ḥoda, kana zwine no dela zwone fhano. Irani Mudzimu a vhe muhaṭuli wa hezwo. Ni khou tambula nga nyimele ya malofha. Izwo ndi zwone, a zwo ngo ralo? [Khaladzi u ri, “Ee.”—Mudz.]

²²⁷ Ndo—ndo rwa hezwo nga khathihi, muñwe muthu u khou dzhia uri ndo tou humbulela hezwo. A thi humbuleli hezwo. Hai. Luthihi nga murahu ha tshifhinga, ndi a pfa hezwo, muñwe muthu. Ni nga si dzumbe mihibulo yanu zwino. Zwino hu na, ndi a divha, hu na vhadzia u tima-tima vhavhili nga maanda hafha. Ni a vhona? Ngauralo elelwani ndi nga vhidza dzina lanu, na inwi, Mudzimu a nga kona, zwino litshani u elekanya hezwo. Irani ndi ni sumbedze.

²²⁸ Sedzani hafha, mufumakadzi. Sedzani kha nne. A thi divhi zwe A ni vhudza zwone, fhedzi ndi—ndi a divha zwine A vha. Huno iyo ndi mvumbo Yawe yo ṭaluswa. Ee, ndi nyimele ya malofha, malofha, mađi.

²²⁹ Zwino, hafha, hafha ndi tshiñwe tshithu. Vhonani arali vha tshi elekanya uri uhu ndi u humbulela. Ni na ḥwana ane na khou mu rabelela, a re hone hafha. [Khaladzi u ri, “Ee.”—Mudz.] Izwo ndi zwone. U na, kha mukulo wawe, [“Ee.”], thanga, dzithanga. Dzo lugela u itwa muaro. Naa a si zwone? [“Ee.”] Dzhiani heyo sagadugu ni i vhee khae, huno ni tende. [“Ee.”] Ni songo tima-tima. A dzi nga ḥodi muaro. Zwino tendani nga mbilu yanu yothe.

²³⁰ Naa ni vuwa hani? Tshithu ndi uri, hoyu musadzi hafha, ane na khou ofha tshiñwe tshithu. Ni khou ofha uri luswayo lwa mabebo lwo no vha pfuko. Uh-huh, uh-huh. Zwino tshimbilani, ni tshi tenda, huno zwi nga si tsha vha nga iyo ndila. Itanu ḥwua, ni tshi tenda nga mbilu yanu yothe. Dzimvumbo, hu si dzanga; Dzawe!

²³¹ Naa ni a tenda zwino? [Tshihidzo tshi ri, “Amene.”—Mudz.] Izwo zwi tea u ita uri muñwe na muñwe a tende. [“Amene!”]

²³² Zwino, a thi ni divhi. Ndi mutsinda kha inwi. Mudzimu u a ni divha. Naa ni a tenda izwo? Ni a zwi divha u ri a thi ni divhi, huno ni a divha uri a ni nnđivhi, huno naa ni a tenda urī uyu Muya u no khou amba u nga si vhe maya wanga? Ngauri, nne, sa muthu, a thi ni divhi. Fhedzi mvumbo ya Ipfi lo fulufhdziswaho ndi Ipfi li no fhira na banga la mutshea hothe, huno li ṭalukanya mihibulo na zwine mbilu ya fhima.

²³³ Ni khou lwala nga maanda. Ni na thaidzo ya musadzi, ine ya vha mbumbelo, huno iyo mbumbelo yo vha i na pfuko. Huno na ya na dzhia luñwe lushaka lwa dzilafho, huno ho vha hu dzilafho la radiamu, huno tshithu tshe la ita ndi u i phađaladza na inwi. Huno ni do—ni do fa arali Mudzimu a sa ni fhodze. Izwo ndi zwone. Naa ni a tenda zwino uri U do ni fhodza? [Khaladzi u ri, “Ee.”—Mudz.] Ngavhe Mudzimu wa Tađulu a tshi kaidza diabolo

o dzumbamaho kha dokotela. [“Oo!”] A nga di vha o dzumbama kha radiamu, fhedzi hu si kha Muya Mukhethwa. Tshimbilani, ni tshi Mu tenda, zwino, khaladzi. Ni songo tima-tima na khathihi, fhedzi tendani.

²³⁴ Naa ni a tenda uri Mudzimu a nga fhodza nyimele ya phihamelia, huno a ni fhodza? [Mukomana u ri, “Ee.”—Mudz.] Naa ni a zwi tenda? Zwenezwo tshimbilani ndilani yanu, ni tshi takala, ni tshi ri, “Ndo livhuwa, Murena. Ndî a tenda uri asima yanga yo fhela.”

²³⁵ Naa ni vuwa hani? No tshuwa. No vha wa u tshuwa lwa tshifhinga tshilapfu. Ngomu hafho, zwo vhangwa nga nwatela yo daho thumbuni yanu, ine ya—ya ita khakhathi thumbuni yanu. Huno ni ḥoda... Ni ḥoda u la tshilalelo tshaṇu? Naa ni do ita zwine nda ni vhudza uri ni ite? Tshimbilani, ni le, nga Dzina la Murena Yesu.

²³⁶ Naa ni a tenda nga mbilu yanu yoṭhe? [Khaladzi u ri, “Ndi a ralo.”—Mudz.] Ni musadzi wa maanda o takalahi, zwi vhonala nga u ralo. Naa ni a ntenda u vha mulanda Wawe? [“Amene.”] Ni a tenda uri mvumbo Yawe i nga vha afha, u... kha Ipfi, Lone line, na pfulufhedziso ya lino ḫuvha, “Mishumo ine Nda ita na vhoiwi ni do ita-vho”? [“Amene.”] Ndi nga si fhodze. O no di ita hezwo kale; fhedzi mvumbo Yawe i ya Mu ḫana, a nga ni vhudza zwo khakheaho nga ha inwi. Ni na thaidzo ya tshifumakadzi, thaidzo ya tshifumakadzi. [“Ee, mune wanga.”] Naa ni a tenda uri Mudzimu u a i fhodza zwino? [“Ee. Amene.”] Tshimbilani ndilani yanu, a zwi tsha do ni dzindela na khathihi. Tendani nga mbilu yanu yoṭhe.

²³⁷ Naa ni a ntenda u vha mulanda Wawe? [Khaladzi u ri, “Ee, muṇe wanga.”—Mudz.] Arali Mudzimu a nga mmbudza uri thaidzo yanu ndi mini, naa ni do tenda uri ndi mvumbo ya Yesu Kristo? Zwi kha muṭana waṇu. A zwi tsheeho. Tshimbilani, ni tende nga mbilu yanu yoṭhe. Tendani.

²³⁸ Idani, mufumakadzi. Na inwi ni na thaidzo ya thumbuni. Tendani nga mbilu yanu yoṭhe, huno ni ye ni le tshilalelo tshaṇu. Hangwani nga hazwo. Yesu Kristo u ya ni fhodza.

²³⁹ Idani. Thaidzo yanu ndi malofha. Ni na swigiri. Naa ni a tenda uri Mudzimu u do ni fhodza huno a ni fhodza kha hezwo? Tshimbilani ndilani yanu, huno ni ri, “Ndi a U livhuwa, Murena Yesu,” u ya ni fhodza. Tshimbilani, tendani nga mbilu yanu yoṭhe.

²⁴⁰ Idani. Muṭana waṇu, naa ni a tenda uri Mudzimu u do fhodza muṭana huno a ni nea mutakalo? Tshimbilani ndilani yanu, huno ni takale, huno ni ri, “Ndi a U livhuwa, Murena Yesu.”

²⁴¹ Na inwi ni na tshiñwe tshithu tsho khakheaho nga muṭana waṇu. Itanu dzulela u tshimbila, ni tshi ri, “Ndi a U livhuwa, Murena. Ndo fhola.” Zwi tendeni nga mbilu yanu yoṭhe.

²⁴² Na inwi ni na thaidzo ya muṭanani. Naa ni ḥivha mini nga ha izwo? Tendani nga mbilu yanu yoṭhe zwino, huno ni ye ndilani yanu huno ni fhodzwe. Tendani uri Yesu Kristo u ya ni fhodza. “Arali iwe u tshi nga tenda, zwithu zweṭhe zwi a konadzea.” Zwo luga.

²⁴³ Mini-ha arali ndi songo amba tshithu kha inwi, ndo tou u fhira nda vhea zwanda khae, naa ni a tenda uri u ḫo fhola? Vha a vhona zwo khakheaho. Naa ni a tenda uri u ḫo ralo? Idani hafha. Ndi pandela hoyu diabolo, nga Dzina la Yesu Kristo. Ngavhe maanda a Mudzimu a tshi vhodza ḥwana. Amene. Ni songo timatima, ni songo tima-tima na khathihi, huno u ḫo fhola. Tendani nga mbilu yanu yoṭhe.

²⁴⁴ Arali Mudzimu a sa ni fhodzi, ni ḫo vha kha makobodo liñwe ḫuvha, ni na athirathisi. Fhedzi ni a tenda uri Mudzimu u a fhodza athirathisi? Zwenezwo tshimbilani, ni ri, “Ndi a U livhuwa, Murena. Ndi ḫo U tenda, huno U mphodze.” Zwo luga.

²⁴⁵ Idani zwino. Ndi vhukale hanu zwa vhukuma. No tshuwa nga maanda. Ni a tshuwa nga maanda, vhusiku kati. Musi ni tshi shuma na tshiñwe na tshiñwe, ni a tshuwa nga maanda. Ni a tenda zwino? A zwi tsha ḫo ni dina na khathihi zwenezwo. Tshimbilani ndilani yanu, ni tshi ri, “Ndi a U livhuwa, Murena Yesu.”

²⁴⁶ Idani, muṇe wanga. Naa ni a tenda uri Mudzimu u ya fhodza thaidzo ya mbilu? [Mukomana u ri, “Ee.”—Mudz.] U ḫo fhodza mbilu yanu? Itanu dzulela u tshimbila, ni tshi ri, “Ndi a U livhuwa, Murena. Ndi a tenda nga mbilu yanga yoṭhe.”

²⁴⁷ Mudzimu u ya fhodza TB, huno a ni ḫea mutakalo, na inwi-vho. Naa ni a tenda izwo, muṇe wanga, nga mbilu yanu yoṭhe? [Mukomana u ri, “Ndi a zwi tenda.”—Mudz.] Zwo luga. Tshimbilani ndilani yoṭhe ni tshi pembela, ni tshi ri, “Ndi a U livhuwa, Murena Yesu.”

²⁴⁸ Mini-ha nga ha inwi nn̄da hanefho, naa ni a tenda? Mini-ha nga ha vhathetshelesi? Vhañwe vha vhoinwi vhathetshelesi ni a tendani zwino.

²⁴⁹ Hoyu munna o dzulaho hafha, a na u vhaisala ha tsinga, naa ni a tenda uri Mudzimu a nga fhodza thaidzo ya tsinga? Zwo luga, ni nga vha na zwe na humbelia, zwenezwo. Amen.

²⁵⁰ Mutsiko wa malofha, o dzulaho murahu haweheneffho. Naa ni a tenda uri Mudzimu u ḫo fhodza mutsiko wanu wa malofha? Wo ni ḫutshela, muṇe wanga. A thi mu ḫivhi, a thi athu mu vhona vhatshiloni hanga.

²⁵¹ Ni ri, muṇe wanga, naa ni a tenda uri u khwida ha tsinga kha misipha yanu, u tshuwa ha tsinga dza misipha, naa ni a tenda uri Mudzimu u ḫo i vhodza? Ni a ralo? Imisani tshanda tshañu arali ni tshi tenda. Zwo luga.

²⁵² Mufumakadzi waṇu o dzula hafhała, u na thaidzo dza u fembedza. Ni a tenda uri zwi a ni ṭutshela, na inwi-vho, khaladzi?

²⁵³ Musadzi o dzulaho murahu hashu heneffo, u na u vhaisala ha zwipfi. Naa ni a tenda uri Mudzimu u ḍo fhodza u vhaisala ha zwipfi zwaṇu, mufumakadzi?

²⁵⁴ Hafha hu na mufumakadzi a na badzhi ṭhukhu, o ambara badzhi tswuku, hafha. O dzula hafho. U na thaidzo ya u fembedza, nae-vho. Naa ni a tenda uri Mudzimu u ḍo vhodza thaidzo yaṇu ya u fembedza? Imisani zwanda zwaṇu, arali ni tshi zwi tenda.

²⁵⁵ Muṇwe muthu ngomu hafha ane a tenda uri mvumbo ya Yesu Kristo i vhukati hashu, madekwana a ḥamusi, imisani tshanda tshanu, ni ri, “Ndi a zwi tenda.” [Tshivhidzo tshi a takala na u ri, “Ndi a zwi tenda!”—Mudz.]

²⁵⁶ Vhothe vhane vha vha hafha, vhane vha ḍo Mu ṭanganedza sa mufhodzi wavho, imani nga milenzhe yaṇu, huno ni ri, “Ndi a zwi tenda.” Imani. Takuwani, zwiduloni zwaṇu, tshiṇwe na tshiṇwe tshine tsha vha tshone. Yesu Kristo a sa shanduki mulovha, ḥamusi, na lini na lini. Ndi zwi ḥea kha inwi, nga Dzina la Murena Mudzimu.



MUDZIMU A TSHI KHOU DIGITALUSA NGA MVUMBO Yawe TSV64-0320
(God Identifying Himself By His Characteristics)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a ḥavhučanu, Ṭhafamuwe 20, 1964, Denham Springs High School kha la Denham Springs, Louisiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenča yo gandiswa huno ya phađaladzwa nga vha Voice Of God Recordings.

TSHIVENDA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org